

# Irimiasë pënëntërinso'

## Caniarita'huaso marë' aninshitërahuëso'

**1** <sup>1-3</sup>Caso Irimiasëco. Tatahuëso', Iriquisä itopi. Tatahuë, shimashonëhuëpita, inapitaso Corto hua'ano'saráchin. Anatoto ninanoquë ya'huërai. Inaso ninano', Mincamin huënton no'panëinquë ya'huërin. Pënënta'huaso marë' Sinioro anitotërinco sopita iso quiricaquë aninshitërahuë. Amon hui'nin Cosiasë itopiso' Cota huëntonquë shonca cara pi'ipi copirno nicaso', anitotërinco. Cosiasë hui'ninpitanta copirno ya'compachinara, anitotaantarinco. Coaquin itopiso'ton ya'conin. Ina quëran Sitiqiasënta', ya'coantarin. Ina, shonca a'na pi'ipi, a'natëräpo yoqui hua'anëntaso', Quirosarinquë ya'huëpisopita quiquipi huachi.

## Pënënta'huaso marë' Yosë acorincoso'

<sup>4</sup>A'na tahuëri Sinioro nontatanco:

<sup>5</sup>“Co'huara nasichätërasëinquëhuë', huayonanquën.

Naporo chachin acoranquën pënëntacaso marë'.

Ya'ipi nisha nisha piyapi'sa nipi-sopita pënënanan,” itërinco.

<sup>6</sup>Napotohuachincora:

“¡Ma'huantacha Sinioro yanitëranco paya!

Caso hui'napico ni'to, co nito nonahuë',” itërahuë.

<sup>7</sup>Sinioroso' taantarin:

“Ama, ‘caso hui'napico,’ tëquësohuë'.

Ipóra quëran huarë' quëmaso', intohuaso a'paranquë pa'saran. Ma'sona camairanquënsó', sha'huairan.

<sup>8</sup>Ama insonta të'huatëquësohuë'. Carinquën pa'poyaranquën.

Caso Sinioroco ni'to, no'tëquën sha'huitaranquën,” itërinco.

<sup>9</sup>Ina quëran imirin ihuësahuatón cariananinco.

Inapotahuatonco nontaantarinco:

<sup>10</sup>“Ca nohuanto nanamëhuë no'tëquën sha'huairan.

Nisha nisha piyapi'sa', nisha nisha copirnorosari hua'anëntopiso',

inapita pënënacaso marë' nanan quëtaranquën.

Pënënpatan co natëtohuachinahuë',

pacatoro hua'tahuatë ata'huanterëso pochin,

no'papi pëi ohuatahuatë ninomotëresó pochin ana'intarahuë.

Noya natëhuachinaso nipirinuë',

sharo'sa shacatë pochin nitato, noya noya nicacaiso' catahuararahuë,” itërinco.

<sup>11</sup>Naquëranchin Sinioro sha'huitaantarinco:

“¿Ma'ta ni'nán?” itohuachincora:

“Ni'to sé'pa quëran huara nipiso' ni'nahuë,” itërahuë.

<sup>12</sup>“No'tëquën ni'nán.

- Nonahuësopita a'naroáchin  
 ananica'huaso marë'  
 carinta yonquirápo," taantarín.  
<sup>13</sup>Naquëranchin Sinioro nataantarínco:  
 "¿Ma'ta niantaran?" itaantarínco.  
 "Huë'ëtaquë inpitaponahuë',  
 norti parti quëran tahuana-  
 huaton yanoporín," itërahuë'.  
<sup>14</sup>Napotohuatora Sinioro taantapon:  
 "Norti parti quëran mini o'ma-  
 tona  
 iso no'paquë ya'huëramasopita  
 ma'sha onpotaponënuëma'.  
<sup>15</sup>Ca Sinioroco no'tëquë sha'hui-  
 taranquëma'.  
 Norti parti copirnoros'a hua'a-  
 nëntopiso',  
 piyapinëpitarë chachín o'ma-  
 pona'.  
 Canquimarahuatona', Quirosarín  
 ya'coananëtaquë chachín  
 hua'anëntacaiso shiranëna acoa-  
 pona'.  
 Ya'ipi pairanënpita notënanquë,  
 Cota huënton ninanoros'a notë-  
 nanquë,  
 inaquëpita hua'anëntopiso  
 shiranëna acoapona'.  
<sup>16</sup>Piyapinëhuëpitaso', oshahuaná-  
 patona a'porínaco.  
 Nisharos'sari moshapiso nonana-  
 huatona',  
 inapita moshacaiso marë'  
 yonarín pochín ninínso',  
 a'pëpi.  
 Napopiso marë' inapo ana'inta-  
 rahuë'.  
<sup>17</sup>Quëmaso', chiníquëncancan-  
 taton pa'saran.  
 Carínquëncsha'huitëranquënsos'  
 sha'huicoanan.  
 Ama manta inapita të'huatëquë-  
 sohuë'.


- Të'huatohuatan inapita ni'tonë-  
 naquë aropátaranquënc.  
<sup>18</sup>Ipora tahuëri carínquënc acoran-  
 quënc  
 pairahuan ninano noyá niacora-  
 pipiso pochín nicacaso marë'.  
 Hua'namia quëran onë nipiso  
 pochín,  
 sha'pi hua'na quëran paira  
 nipiso pochín acoranquënc.  
 Inapoaton ya'ipi Cota huën-  
 tonquë ya'huëpisopita chiní-  
 taran.  
 Copirnonënapita, hua'anënapita,  
 corto hua'anos'anënapita,  
 inapitanta chinítaran.  
<sup>19</sup>Inapitaso ahuëapirínënhuë', co  
 minsëarinënhuë'.  
 Carínquënc ca'tanatëncquënc  
 a'pairanquënc ni'ton,  
 co minsëarinënhuë'.  
 Ca Sinioroco no'tëquënc sha'hui-  
 taranquënc," itërinco.

**Co Sinioroíchin  
 cancantatonaraihuë',  
 panca tëhuëpiso'**

- 2** <sup>1</sup>Naquëranchin Sinioro nontatonco:  
<sup>2</sup>"Quirosarínquënc ya'huëpisopita  
 nontoonquë'.  
 Chiníquënc nonaton ca Sinioroco  
 naporahuëso' sha'huitëquë':  
 'Íraca casáchin cancantëramaco.  
 Ni'quë'. Nanon nasha so'yahua-  
 china,  
 so'in na'con nosororín. Ina  
 pochín canpitanta cancanta-  
 toma',  
 inotëro parti imaquiramaco.  
 Inaquëso co ma'sha tëranta  
 sha'nëhuënc nipurínhuë', napa-  
 rama'.  
<sup>3</sup>Naporo' canpitaso', carima  
 hua'anëntëranquëma'.

Sharo'sa ya'nan cayarinso  
 pochin ca marë' ninama'.  
 Inpitasona ma'sha onpotërinquë-  
 maso', cari ana'intërahuë.  
 Nisha nisha quëran ana'intato  
 i'huëretërahuë.  
 Ca Sinioroco sha'huitaran-  
 quëma', tënin," itërinco.  
 4-5 Israiro'sanquëmaso', Cacopo  
 quëran pipirama'.  
 Ya'ipinquëma Sinioro nontërin-  
 quëmaso' natanco':  
 "¡Caso co maquë tëranta shima-  
 shonëmapita tëhuëtërahuë!  
 Napoaponahuë inapitaso', a'po-  
 rinaco.  
 Mamanshiro'sa co máquënhuë  
 nipirinhüë', ina imapi.  
 Napoaton inahuara chachionta',  
 nitapiatë pochin nipi.

6 Naniantatonaco, co yonirinaco-  
 huë'.  
 Cari Iquipito quëran ocoiato,  
 inotëro parti quënahüë.  
 Inaso no'pa', yaniro'. Noto-  
 huaro' ohuatë ya'huërin.  
 Inaquëso co i'sha ya'huërinhuë',  
 pa'pi huëhuëpiro ya'huërin.  
 Co insonta inaquë ya'huërin-  
 huë'. Co insonta inaëchin  
 iratërinhuë'.  
 7 Ina piquëran iso noyaro'paquë  
 nitërinso pita capacaiso  
 marë' quënahüë.  
 Noya noyatërinso pita capacaiso  
 marë' quëpirahuë',  
 huë'sahuatona', no'panëhuë tapipi.  
 Cari iso no'pa' hua'anëntopi-  
 rahuë', amirotochináchin  
 acotërinaco.



- <sup>8</sup> Corto hua'ano'sa co yonirinaco-hué'.  
Piyapinéhuépita a'china'piro'-santa', co nohuitérinacohué'.  
Hua'anénapita co yanatérinaco-hué'.  
Pënëntona'piro'santa Paaro maré' pënëntonpi.  
Mamanshiro'sa co máquēnhué nipirinhué', inapita imapi.
- <sup>9</sup> Naporamaso maré'  
coiséro'saqué quēparéso pochin nitaranquēma'.  
Hui'namapita, shiparimapita, inapitanta napotarahué'.
- <sup>10</sup> Pi'li ya'coninso parti so'to-no'saqué pa'sahuatoma ni'conco'.  
Sitara partinta noya ni'camaré' comision a'paco'.  
Tapona inaquēpitanta canpita pochin nipi.
- <sup>11</sup> ¡Co inso nacionquē tēranta', yosēnēna a'porahuatona', a'na chinotaantapihué'!  
Inapitaso' nonpin yoséro'sa imaponaraihué',  
¡co onporonta inapochinpihué'!  
Piyapinéhuépitaso nipirinhué', a'porinaco.  
Noya noya nipirahué', mamashiro'sa co manta catahuatopisopitahué', imacaiso maré' a'porinaco.
- <sup>12</sup> Ina yonquiaton pi'iro'ténta piyapi pochin ropachin.  
¡Pa'pi pa'yanaton ropachin!  
Ca Sinioroco sha'huitaranquēma'.
- <sup>13</sup> Piyapinéhuépitaso' na'con na'con oshahuanpi.  
Caso inapita maré' nanpirin i'sha huinan pochin nipirahué', a'porinaco.

- Naporahuatona i'sha tapainano'sa acopirinhué',  
nopoatonpi ni'ton, co i'sha ya'huëirinhué'.  
Ina pochin niconinso' imacaiso maré' a'porinaco ni'ton, napopi.
- <sup>14</sup> Israiro'saso', co patrohuanpihué'.  
Co patronēna pēinēnaquē hua'-huatopihué'.  
¡Co ya'huépi quēran quēpacai-sohué nipirinhué'!
- <sup>15</sup> Pa'pini' yamapintohuachina, pēraantahuaton niitērin.  
Inapochachin israiro'santa', inimiconēnpitari nitērin.  
Inapotatona ya'ipi no'panēna tapitopi.  
Ninanonēnapitanta', pēnquē ahuiquitēra'piapi.  
Napoaton tanahuantárin acopi.
- <sup>16</sup> Minpisi ninano', Tapinisi ninano', inapita sontaro'sari hua'anēmapita tiquirin.
- <sup>17</sup> Caso Yosēnēmaco ni'to, ira a'notērēso pochin nitápiranquēmahué', a'poramaco.  
Napoaton naporama'.
- <sup>18</sup> Napoapomarahué canpitaso':  
'Iquipitoquē pa'sahuato, Niroi' o'osarai.  
Asiriaquēnta pa'sahuato Iopiratisii' o'osarai.  
Inapoatoi chiníquēn cancantē-rēso pochin inapita catahuainacoiso ninaarai,' tēnama'.  
Napopiramahué', inapitaso co catahuaponquēmahué'.
- <sup>19</sup> Co noyahué' ninamaso' na'intarinquēma'.  
Co casáchin cancantēramacohué ni'ton, parisitamaso ya'huërin.

- Napoaton: 'Sinioroso Yosë-  
nënpoa ni'ton,  
noya nicatëhua natëcaso  
ya'huërin.  
Napopirinhüë', co natërëhua-  
huë'.  
Naporahuaton a'pomantarëhua'.  
No'tëquën chachin iporaso', co  
huachi noya ya'huërëhua-  
huë'.  
Parisitatëhua co napion cancan-  
tärëhua', toco yonquiatoma'.  
Caso Sinioroco ya'ipi nanitapa-  
rahuë. Carima sha'huitaran-  
quëma'.  
<sup>20</sup> Iráca quëran huarë' no'huitë  
pochin nitëramaco.  
Iráca quëran huarë' co natëama-  
coso' nohuantatomarahuë':  
'Co nohuantëraihuë' natëta'-  
huaiso', toconama'.  
Ya'ipi panca panëno'saquë,  
ya'ipi panca ta'an nara-  
soquë,  
inaquëpita mamanshi mosha-  
toma',  
monshihuantë sanapi'sa pochin  
ninama'.  
<sup>21</sup> Noya noya opa sha'nëso pochin  
canpitaso acoranquëma'.  
Huayonatë sha'nëso pochin  
nitëranquëma'.  
Inapotopiranquëmahuë', canpi-  
taso co'chachin nishatërama'.  
Napoatoma co huachi onpo  
nohuitochináchinhuë'  
ninama'.  
<sup>22</sup> Yaquiquë coton tapirëso pochin,  
canpitanta na'con oshahuana-  
toma nitapirama'.  
Onponta lejaquë pë'sapirama-  
huë',  
onpo shapon tiqiantopirama-  
huënta',

- oshahuanatoma coton tapipinan  
pochin ninamaso',  
co inquiramahuë'. Inachachin  
nisárin caso ni'nahuë.  
<sup>23</sup> Canpitaso naporama':  
'Quiyaso' co mamanshiro'sa  
mosharaihuë'.  
Co coton tapipinan pochin  
ninaihuë', toconama'.  
¡Co ina pochin nonamaso  
ya'huërinhuë'!  
¿Ma'ta nipachin Pini-inon moto-  
piananquë onporama'?  
'Tëhuëchachin co noyahuë'  
ninai,' toco'.  
Camiyo paya huënitohuachina  
itohua itohua ta'arinso pochin  
niconama'.  
<sup>24</sup> Tanan mora huënitërinso  
pochin canpitanta nico-  
nama'.  
Quëmapinën yoniton pa'sápa-  
china, imë imëtërantarin.  
Inapoasoso', co incari tëranta  
asanoarinhuë'.  
Quëmapinëni yonípachina, co  
sacai nicaponhuë'.  
Inapoaso' a'naroáchin quëna-  
napon.  
<sup>25</sup> Canpitaso', mamanshiro'sa  
pa'yatonëmaquë patë  
patërantarama'.  
Inapoatoma sapatë to'quirama',  
yaniconopirarama', napor-  
rama'.  
Ama inapocamaso marëhuë'  
pënënpiranquëmahuë': 'Co  
naporinhüë',  
nisharo'sa nosoroato, inapita  
imasarahuë', toconama'.  
<sup>26</sup> Ihuatë quënyatohuachinara,  
tapanin.  
Inapochachin israiro'santa',  
tapanapona'.

- Topinan piyapiro'sa', copirnonë-  
napita, hua'ano'sa',  
corto hua'ano'sa', pënëntona'pi-  
ro'sa', inapita napoapona'.  
27 Nara nipirinhüè', 'quëmaso tata-  
huëinquën,' itërama'.  
Na'pinta nipirinhüè', 'quëmaso'  
mamahuëinquën,' itërama'.  
Inapoatoma caso co huachi  
tahuërètëramacohüè'.  
Napoapomarahüè' ma'sha onpo-  
huatamara:  
'¡Nicha'ëcoi Sinioro!' itaantara-  
maco.
- 28 Cota huënton israiro'sanquëma':  
¿Yosëro'sa chinotëramasopita  
po'?'  
¿Nani ninanonëmaquë a'nara  
acorama pora?  
Inapita nipachin huëcatona',  
ma'sha onporama quëran  
nicha'ëinquëma'.  
29 Co carimaso' ¿maquë tëranta  
tëhuëtëranquëmahuë pora?  
Canpita mini tëhuënchinsu' ya'i-  
pinquëma no'huitë pochin  
nitëramaco.  
Ca Sinioroco sha'huitaran-  
quëma'.  
30 Topinan quëran hui'namapita  
ana'intërahuë.  
Cancan yonquicaiso marë'  
napotopirahuë', co yanitoto-  
pihuë'.  
Pa'piniro'sa të'huatoro ya'no-  
piso pochin nicatoma',  
pënëntona'piro'sa tëparama'.  
31 Canpitanta ipora ya'huëramaso-  
pita,  
Sinioro sha'huitërinpoaso' noya  
natanco'.  
Israiro'sanquëma': Inotëro-  
quëso', pa'pi chiniquën pi'i  
pi'catërin.
- ¡Co carimaso', inapochin apari-  
sitëranquëmahuë'!  
No'pa' nanin acoponta', huëhuë-  
piro tashinantërin.  
¡Co carimaso ina pochin a'paya-  
nanquëmahuë'!  
Canpitaso piyapinëhuëpitan-  
quëma nipomarahüè napotë-  
ramaco:  
'Nani huachi quëmá quëran  
cha'ërai.  
Co huachi onporo tëranta',  
tahuërëtarainquënhüè',  
itëramaco.
- 32 Nanon so'yarinsu tahuëri nita-  
parinsopita,  
¡co onporonta naniantërinhuë'!  
Piyapinëhuëpitaso napoapona-  
huë',  
¡nani hua'qui naniantërinaco!  
33 Canpitaso', noyá nitotërama  
monshihuanamaso'.  
Canpita quëran a'napitanta', co  
noyahuë' nicacaiso' nitotapi.  
34 Popriyaro'sa', co manta tëhuëpi-  
sopitahuë', inapita tëparama'.  
Co ma'sha tëranta onpoaso  
quënayatapomarahüè',  
inapotërama'.  
Huënainëna quëran, a'mora-  
maso tapitatë pochin nitë-  
rinquëma'.  
35 Inapoapomarahüè': 'Co manta  
tëhuëraihuë'.  
Co ma'marë tëranta Yosë  
no'huincoiso ya'huërinhuë',  
toconama'.  
Noyapa'. 'Co manta oshahuanai-  
huë', tënamaso marë'  
coisëquë niquëpapiso pochin  
nitaranquëma'.  
36 ¡Catahuainëmaso marë' ama  
a'na a'na yonícosohüè'!  
Iquipitoro'santa yonípiramahuë',

co manta catahuaponquëma-  
huë'.  
Asiriario'sa napotërinquëmaso  
pochachin  
inapitanta nitarinquëma'.  
37 Catahuainëmaso marë' yonira-  
masopita  
cari nocanato a'porahuë.  
Napoaton Iquipitoquë pa'pira-  
mahuë tëranta',  
huënantatoma taparo nisarama'.  
Co manta catahuainëmaso nani-  
tapihuë," ténin Sinioro.

**Israiro'sa co  
natëtochináchinhuë'  
cancantopiso'**

**6** 16 Naquëranchin Siniorori piya-  
pinënpita itapon:  
"Pa'namaquë ira niosërarinso'  
quënanconpatamara, chini-  
conama'.  
Noya ni'sahuatoma iracaya ira  
huayonama'.  
Canpitanta chihuërëso pochin  
cancantohuatama',  
nontoco no'tën ira a'notërëso  
pochin nichinquëma'.  
Inasáchin pa'tohuatama' sano  
cancantarama'," itërin.  
Canpitaso napoaponahuë':  
"Co nohuantëraihuë' ina ira  
pa'ta'huaiso'," toconama'.  
17 Napoaton Sinioroso', a'paito-  
na'piro'sa pochin nininso'  
acarin.  
A'paitona'piro'saso', huëhuëpiro  
huë'sarinso ni'pachinara,  
pomontopi.  
Ina pochin nicatona pënënto-  
na'piro'saso' sha'huitopirinë-  
mahuë',  
canpitaso co nohuantëramahuë'  
natëtamaso'.

18 Napoaton Sinioro taantapon:  
"Nisha nisha piyapinquëma  
ya'huëramaso', natanco'.  
Piyapinëhuëpita parisitacaiso  
ya'huërinso sha'huichin-  
quëma'.  
19 Ya'ipi isoro'paquë ya'huëpiso-  
pita natainaco.  
Piyapinëhuëpita co noyahuë'  
nicatona oshahuanpi ni'ton,  
pa'pi parisitacaiso a'patarahüë'.  
A'chinahuësopita, pënëntëra-  
huëso', inapita co yanatëto-  
naraihuë',  
nocanpi ni'ton, inapotarahüë.  
20 Israiro'sanquëma', canpitaso  
Sapa no'pa quëran  
yonarin pochin nininso' quëshi-  
ramaco.  
Pimo nararo'santa áquë  
no'paro'sa quëran quëshira-  
maco.  
Inapita quëshipiramacohüë':  
¡Topinan quëran quëshiramaco!  
Chinotamacoso marë' artaronë-  
huëquë  
ma'sha tëparahuatoma a'naquën  
ya'ipi ahuiquitërama'.  
A'naquënso', pi'piyan ahuiquitë-  
rama'.  
Inaporamasopita, ¡ya'ipi co  
noyahuë' ni'nahuë!" ténin.  
21 Napoaton Sinioroso' inapita  
yonquiaton taantapon:  
"Isopitaso', piyapinëhuëpita  
nipirinahuë',  
ca nohuanton i'parahuatona  
anotopiso pochin nicapona'.  
Mashoro'sa hui'ninpitare  
chachin,  
niya'yoranpisopita amiconënarë  
chachin,  
ya'ipi inapita chiminapona',"  
ténin.

**Norti parti quëran huëcatona  
ahuëtacaiso sha'huirinsó'**

- <sup>22</sup> Naquëranchin Siniro taan-  
tapon:  
“Norti parti ya'huëpisopita áquë  
ya'huëpirinahuë!, huë'sapi.  
Chiniquën nacion huë'sarin.
- <sup>23</sup> Sontaronënpitanta!,  
pë'chinan, sahuëni, inapita  
quë'sapi.  
Inapitaso!, pa'pi no'huitëraya-  
ro'sa!, co nito nosorotopi-  
huë!.  
Noncaropisonta!, marë tënëntë-  
rinso pochin ninin.  
Cahuarioquë ya'mitërahuatona!,  
huë'sapi.  
Quirosarinquë ya'huëpisopita  
ahuëcaiso marë! huë'sapi,”  
tënin.
- <sup>24</sup> Quirosarin ya'huëhuano'saso!,  
napoapona:  
“Huë'sapiso natantatoi, pa'pi  
pa'yanai.  
Inapoatoi co huachi chinirai-  
huë!.  
Sanapi hua'hua iquitërinso  
pochin,  
co napion cancantërai.
- <sup>25</sup> Ama insonta iminquë pa'inso-  
huë!.  
Ama ira tëranta pa'chinasohuë!.  
Inimicoro'saso!, noyá niacora-  
huatona canquiapi.  
¡Ya'ipi parti inapita të'huatapi!”  
tosapi.
- <sup>26</sup> Yosë piyapinënpitanquëma nipo-  
marahuë!, sa'catën a'moco!.  
Co napion ancantatoma!,  
huarianoquë nianapitoco!.  
Nichimiantëramaso pochin  
cancantatoma!, na'nëmia-  
toco!.

A'naíchin hui'nama nininsó'  
chiminpachina  
sëtëramaso pochin nico!.  
Ata'huantarinquëmasopita  
a'nanaya cantiarinquëma ni'ton,  
inapoco!.

- <sup>27</sup> Ina quëran Yosë itaantarinco:  
“Piyapinëhuëpita quëmari tëni-  
riquë!.  
Inapotohuatan, ¿onpo'inata'ma  
pa'?” itërinco.
- <sup>28</sup> “Ya'ipi inapitaso Siniro,  
co natantochináchinhuë!  
cancantopi.  
Nanan pa'yatopi, nitapican-  
canpi, napopi.  
Sha'pi hua'na pochin, hua'-  
namia pochin cancantopi.
- <sup>29</sup> A'huëntëquë chiniquën a'huën-  
tohuachinara,  
pën ahuënaratahuaton promo  
asoquirin.  
Ina pochachin piyapinënpita  
noya tapacaso marë!  
ma'sha onpotopiranhuë!, co  
noyahuë! nipiso co yaa'po-  
pihuë!.
- <sup>30</sup> Naponpiso marë! inapitaso!,  
'prata chi'chirotërinso  
pochin niconpi,' itapona!.  
A'poran ni'ton, inapo nohuita-  
pona!” itërahue carinta!.

**Yosë chinotacaso pëiquë  
pënëntërinso'**

**7** <sup>1</sup> A'na tahuëri Siniro itaponco:  
<sup>2-3</sup> “Chinotërinacoso pëiquë pa'sa-  
huaton, ya'coanaquë huaniconquë!.  
Inataquëchin Cota huënton israiro'sa  
chinotiinacoso marë! ya'conpi. Napo-  
rahuëso! inapita anitotëquë!: ‘Caso  
Siniroco ya'ipi nanitaparahuë. Yosëco  
ni'to, israiro'sanquëma chinotëramaco.  
Noya noya imatomaco noya nico!.



Napohuatama!, co ya'huërama quëran ocoiaranquëmahuë!. <sup>4</sup>A'naquënso!, nonpintatënëma!: “Isëquë Sinioro chinotacaso pëi ya'huërin. Napoaton co insonta ma'sha onpotiinpoaso ya'huërinhuë!,” itërinëma!. <sup>5-7</sup>Noya noya imatomaco noya nico!. A'napi-tanta!, no'tëquënáchin yonquirapico!. Nisharo'sa no'tëquën pahuërëco!. Sa'ahuaros'a!, quëyoro'no'sa!, inapita-tanta inapotoco!. Piyapi'sa co manta onpopisopitahuë!, ama tëpacosohuë!. Mamanshiro'sa moshahuatama!, ma'sha onpocamaso' yonisarama!. Napoaton ama manta inapita moshacosohuë!. Napohuatama!, co ya'huërama quëran ocoiapënquëmahuë!. Isoso no'pa!, shimashonëmapitari hua'anëntomia-tacaiso marë!, quëtërahuë.

<sup>8</sup>Canpitaso nonpi nanano'sa natëtërama!. Inaso! co pi'pian tëranta catahuarinquëmahuë!. <sup>9</sup>Niuharama!, nitëparama!, nitëhuananpitërama!, Yoscoarë! tapomarahuë nonpinama!. Paaro moshatoma yonarin pochin nininso' a'përama!. Nisha nisha mamanshiro'santa co nohuitapomarahuë!, mosharama!. <sup>10</sup>Napoapomarahuë!, pëi acotërinacoquë huë'sahuatoma!, canta chinotaantaramaco. “Sinioro pëinënquë ya'huëhuatëhua!, co manta onpoarihuahuë!,” tënëma!. Co costarahüeso nisápomarahuë!, “noya inachachin nisápaso!,” toconama!. <sup>11</sup>Iso pëi acotërinacososo!, nóya. Canpitariso napoaponahuë!, ihuatëro'sa ya'huëpiquë pochin atarantërama!. “Ina mini iso pëi!,” ama tocosohuë!. Ina pochin cancantëramaso!, nani ni'nahuë. Caso Sinioroco sha'huitaranquëma!. <sup>12</sup>Canaan no'paquë ipora ya'huëapoma!, chinotërinacoso nëmëtë pëi acocaiso marë! Siro ninano'ton huayonahuë. Inapopirahuë!, shimashonëmapita

co noyahuë! nipiso marë! ina ninano ana'intërahuëso!, ni'conco!. <sup>13</sup>Canpitanta!, co noyahuë! ninamaso' a'pocaso marë! naquëranchin naquëranchin pënënanquëma!. Inapotopiranquëma-huë! co yanatëramacohuë!. Co natanamacoso tëranta nohuantëramahuë!. Caso Sinioroco sha'huitaranquëma!. <sup>14</sup>Siroquë chinotiinacoso nëmëtë pëi iráca ya'huëpirinhuë!, co noyahuë! nipi ni'ton, ata'huantërahuë. Canpitanta chinotëramacoso pëi pa'poyainquëmaso' ninapiramahuë!, co noyahuë! ninama!. Napoaton canpitanta inapita pochachin nitaranquëma!. <sup>15</sup>Iprain huënton isairo'saso!, canpita quëmopinëma!. Napopirinahuë!, no'panëhuë quëran ocoirahuë. Inapochachin canpitanta ocoiaranquëma!, tënin Sinioro, itëquë!,” itërinco.

#### **Co Sinioroíchin cancantatonaraihuë!, tëhuëpiso!**

<sup>16</sup>Ina quëran Sinioro itaantaponco: “Quëmaso!, ama isopita marë! nontocosoahuë!. Ama napion ancantaton nontocosoahuë!. Ina pochin ancantaton nontopirancohuë tëranta!, co a'paniaranquënhuë!. <sup>17</sup>Cota huënton ninanoro'saquë, Quirosarin cachiro'saquë, inaquëpita napopiso!, jquëmanta nani ni'nan! <sup>18</sup>Hua'huaro'sa ihuë yontonpi. Pa'pinaso' a'pëtopi. A'shinanta!, arina taparato'na!, cashin pano'sa nipi. Ina a'notatona!, 'Pi'iro'të hua'an paya' itopiso! mamanshi moshapi. A'napita mamanshi marënta!, ina pochin nitatona moshapi. Ina marë! caso ano'huitërinaco. <sup>19</sup>Napoaponahuë!, co casáchin ano'huitërinacohuë!. Inahuara chachin taparo nicacaiso marë! naporapi. Caso Sinioroco napotaranquëma!.

<sup>20</sup>Napoaton iso no'pa!, pa'pi no'huito ana'intarahuë. Piyapiro'sa!, ma'sharo'sa!,

nararo'sa!, sharo'sa!, inapita quëran huarë!  
ata'huantarahuë. Panca pënso!, co taco-  
pitochináchinhuë! ténëntërin. Ina pochin  
no'huitërahuëso! nisarín," itërinco.

<sup>21</sup>Sinioroso! ya'ipi nanitaparín. Inaso!,  
israiro'sari chinotërin. Ina chachín  
piyapínënpita itaantapon: "Nohuan-  
tohuatama!, onponta ma'sha ca marë!  
tëpaco!. Inapotahuatoma!, oshanëma  
marë! ya'ipi ahuiquitoco!. A'naquëonta  
tomaquën ahuiquitatoma!, noshinën  
ca'co!. <sup>22</sup>Napopiramahuë!, Iquipito quëran  
shimashonëmapita ocoiapo, ma'sha ca  
marë! tëparahuatona a'naquën ya'ipi  
ahuiquitacaiso!, a'naquëonta tomaquën  
ahuiquitacaiso!, inapita nicacaiso!, co  
camairahuë!. <sup>23</sup>Isocha tëhuënchínso!  
camairahuë: 'Ya'ipi camaitërahuëso  
natëco!. Inapohuatama!, ca Yosënë-  
maco nisarahuë. Canpitanta!, piya-  
pinëhuëpita nisarama!. Onpopinso  
cancantamaso!, nani camairanquëma!  
Ina chachín nico!. Inapohuatama!,  
noya ya'huëarama!', itëranquëma!  
<sup>24</sup>Napotopiranquëmahuë!, canpitaso  
co natëramacohuë!. Co natantochiná-  
chínhuë! cancantatoma!, co noyahuë!  
ninama!. Casáchín cancantamacoso  
nipirínhuë!, nisha cancantërama!  
<sup>25</sup>Shimashonëmapita Iquipito quëran  
ocoirahuë. Naporo quëran huarë!  
pënëntona'piro'sa a'patëranquëma!  
Inapitaso! natëtonaco naquëranchin  
naquëranchin pënëninquëma!. <sup>26</sup>Pënën-  
pirínquëmahuë!, co natëramahuë!  
Shimashonëmapita co natërinacohuë!  
Canpitaso napoaponahuë!, aquë aquëtë  
co natëtëramahuë!," itërin.

<sup>27</sup>Naquëranchin Sinioro nontaanta-  
rinco: "Quëmari ya'ipi inapita sha-  
huitëquë!. Co natëpirínënuëonta!,

sha'huitëquë!. Co a'panipirínënuëonta!,  
chiníquën sha'huitëquë!:" <sup>28</sup>'Canpitaso  
Sinioro yaotëatënuëma napotopi-  
rinquëmahuë!, co nohuantëramahuë!  
natëtamaso!. Co ótëinquëmaso tëranta  
nohuantëramahuë!', itëquë!," itërinco.

### Quirosarínquë nisha nisha moshapiso'

<sup>29</sup>Naquëranchin Sinioro taan-  
tarín:

"Quirosarínquë ya'huëramaso-  
pita.

Naporopi ainëma yaquirahua-  
toma!, tël'yatoco!.

Inapoatoma!, tanahuantárin  
panëno'saquë oshaatoma  
na'nëco!.

Piyapínëhuëpitanquëma nipo-  
marahuë!,

no'huitënuëma a'poranquëma  
ni'ton, inapoco!.

<sup>30</sup>Cota huënton israiro'saso!, co  
costarahuësóhuë! nipi. Chinotërinacosó  
pëiquë chachín amiro mamanshinë-  
napita po'mopi. Inapoatona pëinëhuë  
tapipi. <sup>31</sup>Pini-inon motopianaquë  
Tohuito<sup>a</sup> marë! artaro nipi. Ina aipi  
hui'ninapita ahuiquitopi. Inapocai-  
soso!, co pi'pian tëranta camairahuë!  
Co pi'pian tëranta yonquiyatërarahuë!

<sup>32</sup>Napopiso marë! tahuëri nanihuachín  
ina motopianaso!, co huachi Tohuito  
itaponahuë!. Co huachi Pini-inon  
motopiana itaponahuë!. 'Israiro'sa  
tiquipiquë motopiana' itapona!. Inaquë  
chachín chimínpisopita pa'pitapona!. Co  
niquë'pa' pa'pitacaiso ya'huëaponhuë  
ni'ton, napoapona!. <sup>33</sup>Ina chimípiro'-  
saso!, chanaro ca'tëro'sa!, ni'niró'sa!,  
inapitari capona!. Co incari tëranta

<sup>a</sup>7.31 Tohuito ma'sona tapon naporinso: Co no'tëquën nitotopihuë!. A'naquënso!, 'iroi ipipiquë  
tapon naporin,' topi.

a'payataponhuë'. <sup>34</sup>Cota huënton ninanoro'saquë, Quirosarin cachiro'saquë, inaquëpita capa cancantopiso', copi tapon huachi. Pita na'huëhuachinara capa cancantopiso', sa'apachinara cantarapipiso', inapita copi tapon'. Ya'ipi iso no'pa' tanahuantápon," ténin Siniro.

**Israiro'sa co noyahuë'  
nipiso marë' sëtërahuëso'**

**9** <sup>1-2</sup>Ma'cha inotëro parti ya'huë-ca'huaso marë'  
pëi ya'huëtërincohuë paya.  
Inaquë pa'sahuato ya'huë'itohuë'.  
Israiro'saso' quëmopinëhuëpita  
nipirihuë', pachitohuë'.  
Ya'ipiya quëran inahuaso', co  
Yosëichin cancantopihuë'.  
Nonpintahuatona patopi.  
Inapitaso' quëmopinëhuëpita  
nipirihuë',  
na'con taquiapi ni'ton, tahuëri  
tashirë chachin na'nëi, topi-  
rahuë.  
¡I'sha pa'irinso', huinan, inapita  
pochin ya'piratërahuë napo-  
rini,  
noya noya niitonhuë'!

<sup>3</sup> Siniro naporin:  
"Israiro'saso', pë'chinquë  
shinërë a'parëso pochin  
nonpinchináchin cancantopi.  
Co huachi no'tëquën nonpihuë'.  
Ninonpintápi. Napoaton aquë  
aquëtë co noyahuë' ya'huëpi.  
Co insonta yanohuitërincohuë'.  
Ca Siniroco sha'huitaran-  
quëma':

<sup>4</sup> Iporaso' amiconëna tëranta co  
huachi natëcaso ya'huërin-  
huë'.  
Ina tëranta co natëchináchin-  
huë', niconin.

Inahua capini ninonpintápi.  
Amiconëna nipirihuë', nonpi-  
napipi.

<sup>5-6</sup> Inahuara capini ninonpintápi.  
Co insonta no'tëquën nonin-  
huë'.

Nonpinápatona', noyá no'quipi.  
Pëshonëso pochin cancantatona',  
co huachi nanitopihuë noya  
cancantacaiso'.

Ca Siniroco sha'huitaran-  
quëma':

Apira apira ma'sha nionpotopi.  
Apira apira ninonpintopi.  
Piyapinëhuëpita nipirihuë', co  
yanohuitërinacohuë'.

<sup>7</sup> Caso Siniroco ya'ipi nanitapa-  
rahuë.

Carima sha'huitaranquëma'.  
Piyapinëhuëpita naponpi ni'ton,  
pën quëran tënica'huaso  
ya'huërin.

Co huachi onpotochináchinhuë  
ni'ton, napotarahuë.

<sup>8</sup> Nonpachinara, caparihuan  
shinërë pochin yatëpatopi.  
Nonpinacaisoráchin cancantopi.  
Amiconënapita noya nontapo-  
naraihuë',

cancanëna quëranso', ma'sha  
onpotochináchin cancantapi.

<sup>9</sup> ¡Napotiso marë' onpopionta  
ana'inta'huaso ya'huërin!  
Caso Siniroco sha'huitaran-  
quëma'.

<sup>10</sup> Motopiro'sa pa'tatoma na'në  
na'nërantaco'.

Pastoro'santa' pa'tatoma osha  
oshaárantaco'.

Ya'ipi huiquitërin ni'ton, co  
huachi insonta inaëchin  
pa'ninhuë'.

Ohuacaro'santa 'maaa,' topiso',  
co huachi ya'caninhuë'.

Ni'niro'sa', anpiantëhuano'sa',  
inapitanta ta'api.

- <sup>11</sup> Quirosarin ninano ata'huanto-  
huato, na'pisá yamórantapon.  
Asaniro'sa ya'huëcaiso marë'  
ya'huëapon.

Cota huënton ninanoro'santa  
ata'huantohuato, tanahuan-  
tápona',” ténin Sinioro.

<sup>12</sup> ¿Inta yonquínahuan ni'ton, nanitërin  
onpoatonsona napopiso' nitotacaso'?  
¿Inso pënëntona'pita Yosëri anitotërin  
ni'ton, nanitërin onpoatonsona napo-  
piso' sha'huitiinpoaso'? Inotëroso',  
ya'shi ya'shin. Co insonta inaquëchin  
pa'ninhuë'. ¿Onpoatonta iso no'pa-  
nënpoanta ta'huantaton, ina pochin  
ninin? tënahüë.

<sup>13</sup> Sinioro naporin: “Co topinan napo-  
pihuë'. Israiro'sa iráca anitotërahuë  
onpopinsona nampicaiso'. Inapotopi-  
rahuë', co pi'pian tëranta natëpihuë'.

<sup>14</sup> Co natantochináchinhuë' cancanta-  
tatona', inahuara costapiso imapi.  
Shimashonënapitari a'chintërinso  
pochachin nonpin yosëro'sa moshapi.

<sup>15</sup> Caso Sinioroco ya'ipi nanitaparahuë.  
Israiro'sa Yosënënacó. Máin nininso  
a'carëso pochin, piyapinëhuëpita nita-  
rahuë. O'oi noniapinan pochin nininso',  
o'shitarahuë. <sup>16</sup> Nisha nisha piyapi'sa  
ya'huëpiquë a'paato ayanquëarahuë.  
Co nohuitopiquëhuë', a'paarahuë. Co  
shimashonëna tëranta nohuitopiquë-  
huë', a'paarahuë. Ya'ipi noquitai marë',  
sahuëninëna si'huitahuatona inimico-  
nënapitari ima imarantapona',” ténin.

**Quirosarinquë sëtatona  
oshaapiso'**

- <sup>17</sup> Sinioroso' ya'ipi nanitaparín.  
Ina chachin camaiarinpoa':  
“¡Noya natanco sha'huichin-  
quëma'!

A'naquën sanapi'sa cana-  
caiso marë' na'nëna'piro'sa  
ya'conpi.

Inapita përáco', huë'ina',” ténin.

- <sup>18</sup> Manóton huë'sahuatona',  
canpoa marë' na'nëina'.

Canpoanta na'nëmiatahua'.

- <sup>19</sup> Quirosarin quëran huarë' ya'ipi  
parti na'nërantapiso' nata-  
nëhua'.

¡Ma'huántacha canpoaso' ata'-  
huanterinënpoa paya!

Pa'pi taparo nitërinënpoa'.

Ya'ipi ya'huëréhuaso tapitëri-  
nënpoa'.

Ya'ipi no'panënpoa patacaso  
ya'huërin.

- <sup>20</sup> Sanapi'sanquëmanta Sinioro  
nontarinquëma' natanco'.

Noya natanco sha'huitarin-  
quëma':

“Hua'huama sanapi ya'huëtërin-  
quëmaso', a'chintoco na'në-  
caiso'.

Payaramasopitanta', a'chintoco  
sëtatona oshaacaiso'.

- <sup>21</sup> Sëtatona oshaahuachina  
napo'ina':

‘Pëinënpoapitaquë chimirin  
ya'cotërinpoa'.

Noya noya pëiro'saquënta  
ya'conin.

Cachiro'saquë notohuaro' hua'-  
huaro'sa tiquipi.

Prasaro'saquënta hui'napiro'sa  
inapotopi.

- <sup>22</sup> Mashoro'santa tëpapiso' notën-  
tërantapi.

Ninano apíran chi'chi' yamo-  
rantarinso pochin nipi.

Yaquina'pi trico moto' atatohua-  
china,

co incari maninsohüë pochin  
nisapi,' china',” ténin.

<sup>23</sup> Sinioro chachin ina pochin sha'-  
huitéripoa'.

Naquéranchin Sinioro taantapon:  
“A'naquéma nani ma'sha nitoté-  
rama'.

Napoapomarahué':

‘Ma noyacha caso nitotérahué'  
paya,' ama tocosohué'.

Chiníquénquéma nipatamanta':

‘Ma noyacha caso chinirahué'  
paya,' ama tocosohué'.

Nani ma'sha ya'huétohuachin-  
quémanta':

‘Ma noyacha caso nani ma'sha  
ya'huétérinco paya,' ama  
tocosohué'.

<sup>24</sup> Insonquéma tēranta',

‘Ma noyacha caso ninahué'  
paya,' yatopatama',

Sinioroco ninahués'o' nitotatoma  
nohuitohuatamaco tēhuén-  
chinso',

no'tén chachin napoarama'.

Casáchin ya'ipiro'pa' hua'anén-  
tato nosororanquéma'.

Co noyahué' nipatama' no'té-  
quén ana'intaranquéma'.

Noya nipatamaso' noya ni'sa-  
ranquéma'.

Cá pochin cancantopisopita  
pa'yatarahué'.

Ca Sinioroco sha'huitaran-  
quéma',' ténin.

#### Pi'i imarinso'

**14** <sup>1</sup> Pi'isárinso maré' Sinioro  
itaponco:

<sup>2</sup> “Cota huéntonqué ya'huépisopita  
sétatona na'nérápi.

Ninanonénaqué co napion  
ancantápi.

Ya'ipi piyapi'sa mo'cárantapi.

Quirosarinquénta parisitatona',  
noncaropí.

<sup>3</sup> Ma'huano'saso', piyapínépita  
i'sha macai maré' a'papi.

Inapitaso' i'sha tapainano'saqué  
pa'pirinahué', co quénanpi-  
hué'.

Yonshanénaqué co manta i'sha  
quépihué'.

Napohuachina co napion ancantona',  
moto' sémopi.

<sup>4</sup> Imin camayoro'santa', co napion  
ancantopi.

O'nán pahuanin quéran no'pa'  
huéncharo huéncharo  
toconin.

Napoaton inapitanta moto'  
sémopi.

<sup>5</sup> Yo payaro'santa tananqué  
nasha huaiaponaraihué', hua'-  
huina patopi.

Capa cosharonéna ni'ton,  
napopi.

<sup>6</sup> Tanan moraro'santa tomaro'té  
panéno'saqué huanitona',  
asaniro'sa pochin ihuansa'  
o'huaconpi.

Capa pasto ni'ton, tana tapinan-  
topitérapi,” ténin.

#### Piyapi'sa maré' Sinioro nontérahue'so'

<sup>7</sup> Sinioro tēhuénchachin quiyaso'  
oshahuancoi ni'ton,  
co catahuancoiso inashitérai-  
hué'.

Napopiraihué', noyanquén  
ninanso nitotacaiso maré'  
catahuacoí.

Nisha nisha cancantatoi na'aro  
tēhuétérainquén.

Inapoatoi na'con oshahuanai.

<sup>8</sup> Ma'sha onporaiso tahuéri'sa  
nicha'érancoi ni'ton,  
quémasáchin isairio'sacoiso'  
ninarainquén.

Na'huëro'sa a'na tashiíchín  
huë'ëpatërinso pochín  
ninan.

¡Ama ina pochín nicatonhuë',  
catahuaco!

<sup>9</sup> Catahuancoiso marë' co manta  
ninanhuë' ni'ton,  
quëmapi hua'yantërinso pochín  
ya'noran.

Ahuëtona'piso', noya pa'poya-  
tërin.

¡Quëmaso nipirínhuë', co nani-  
tërinsohuë' pochín niconan!

Quëmaso Siniro napoapona-  
huë',

ya'huëraiso huáncana nisaran.

Piyapínënpitacoi ninaiso', ya'i-  
piya quëran nitotopi.

Ama patocoisohuë', itërahuë.

<sup>10</sup> Israiro'sa yonquiaton Siniro tapon:  
“Canpitaso' nisha nisha mamanshi  
mosharama ni'ton, co noyahuë' ni'nán-  
quëma'. Napoaton oshanëma yonquiato  
ana'intaranquëma',” tënin.

<sup>11</sup> Ina quëran Siniro itaantarínco:  
“Ama isopita noya ya'huëcaiso marë'  
nontocosohuë'. <sup>12</sup> Onponta ayonapiri-  
nahuë', nontërinacoso co natanarahuë'.  
Oshanëna marë' onponta ma'sha ya'ipi  
ahuiquitopirínahuë', trico pochín ninin-  
sopitanta onponta quëshipirínacohuë',  
quëshirínacosopita co noya ni'sarahuë'.  
Nani yonquirahuë' quira quëran, tanaro  
quëran, canio quëran, ina quëranpita  
ata'huanta'huaso',” itërinco.

<sup>13</sup> Napotohuachincora, cari itapo:  
“Siniro quëmaso napopiránhuë',  
a'naquën pënëntona'piro'sari: 'Isëquë  
chachín sano cancantápoma', co quira  
ya'huëaponhuë', co tanaro ya'huëa-  
ponhuë', Siniro chachín inapochín  
ya'huëcaso quëtarínpoa', itápi,” itërahuë.

<sup>14</sup> Napotohuatora Siniro taantarín:  
“Co cari a'papirahuë', naporápi.

Nonpinatona naporápi. Co pi'pian  
tërantá ina pochín camairahuë'. Co  
nonchatërarahuë'. Inahuara yonquinëna  
quëran ina pochín sha'huitárinëma'.

<sup>15</sup> Nonpinatona pënëninënuëmaso-  
pitaso', 'co quira ya'huëaponhuë'.  
Co tanaro ya'huëaponhuë', toconpi.  
Napotirínahuë', inahuanta quira  
quëran, tanaro quëran, inaquëranpita  
chiminapona'. <sup>16</sup> Pënënpisopitanta ina  
quëran chachín chiminapona'. Sa'ina',  
hui'ninpita, inapitanta chiminapona'.  
Nonënantá Quirosarin cachiro'saquë  
topinan të'yatapona'. Co incari pa'pi-  
tacasó' ya'huëaponhuë'. Inapotato co  
noyahuë' nipiso marë', ana'intarahuë.

<sup>17</sup> Isonta', piyapínënhuëpita sha'huitacaso  
marë' nanan quëtaránquën:

'Piyapínënhuëpita nosoro-  
rahuëso', panca ma'sha  
onpopi.

Pa'pi huëhuëpiro ma'sha onpo-  
rëso pochín nipi.

Ina marë' tahuëri tashirë  
chachín, na'nërápahuaso  
ya'huërin.

<sup>18</sup> Ninano aipiran pa'patora,  
niahuëpíquë chimipiro'sa  
quëhuënantapi quënanahuë.

Acoana ya'conpatoranta',  
piyapi'sa tanari tiquirarin  
ni'nahuë.

Pënëntona'piro'sa', corto  
hua'ano'sa',

inapitanta intoasona quëpara-  
marai,' itëquë',” tënin.

#### **Siniro nontaantarahuëso'**

<sup>19</sup> Siniro, co pora Cota huënton  
israiro'sacoi a'pomiatëran-  
coihuë'.

Co pora Quirosarínquë ya'huë-  
raisopita amimiatërancoi-  
huë'.

¿Onpoatonta nipachin co nimi-  
riohuanhué pochin nitë-  
rancoi?

Noya ya'huéca'huaiso ninapirai-  
hué',

ma'sha onpoca'huaisora', cantii-  
rincoi.

Sano ya'huéca'huaiso ninapirai-  
hué',

pa'pi pa'yansa', cantiirincoi.

<sup>20</sup> Tëhuëchachin Siniro co noya-  
hué' ninai.

Shimashonëhuëipitanta', co  
noyahué' nipi.

Inapoatoi oshahuanai.

<sup>21</sup> Quëmaso noyanquën.

Naporanso nitotacaiso marë',  
ama a'pocoisohué'.

Hua'anëntëranso shiranën huë-  
naráchin huënaráchin

Quirosarin ninanoquë ya'huërin.  
Ina yonquiaton iso ninanoso'  
nosoroquë'.

Iráca quiyarë'quën anoyatëran.  
Ama ina naniantaton, nonpinatë  
pochin niquësohué'.

<sup>22</sup> Inpiro'saso', nisha nisha  
mamanshiro'sa moshapi.

Co inapita nohuanton o'nanin-  
hué'.

¡Co pi'iro'të tëranta nohuanton  
o'naninhué'!

Quëma Siniro Yosënëhuëin-  
quën ni'ton,

o'nan a'paimaran.

Quëma nohuanton ya'ipi inapita  
ya'huërin.

Napoaton quëmasáchin nina-  
rainquën, itërahuë.

**Ana'intacaso sha'huitërinso'**

**15** <sup>1</sup>A'na tahuëri Siniro nonta-  
tonco itaponco: "Israiro'sa  
nicha'ëahuaso marë' Moisésë, Samoiro,

inapita nontopirinacohué tëranta', co  
nosoro'itohué'. Sha'huitëquë no'panëhué  
quëran pipiina'. <sup>2</sup>Intohuata nipachin  
pa'i,' itohuachinën, carinquën nanan  
quëtaranquën iso pochin sha'huitëquë':

'Canio quëran chiminacaiso  
nipsisopita, ina quëran chimi-  
nacaiso ya'huërin.

Quira quëran chiminacaiso  
nipsisopitanta', ina quëran  
chimiina'.

Tana quëran chiminacaiso  
nipsisopitaso', ina quëran  
chachin chimiina'.

A'na parti quëpacaiso nipsisopi-  
tanta', a'na parti quëpa'ina'.

<sup>3</sup>Ca Siniroco sha'huitëranquëma':  
Catapini nisha nisha quëran ana'inta-  
ranquëma'. Quira quëran chiminpa-  
tama', ni'niraro'sa pë'yapëinquëma'.  
Chanaro ca'tëro'sahuë nipon, tanan  
ni'niroro'sahuë nipon, pë'yapëinquëma'.

<sup>4</sup>Nisha nisha naciono'sa ya'huëpiso',  
canpita inapotaranquëmaso nitota-  
tona', huëhuëtaponá'. Isiquiasë hui'nin  
Manasisi itopiso Quirosarinquë napo-  
rinso marë', inapo ana'intëranquëma'.

<sup>5</sup>Quirosarinquë ya'huëramaso-  
pita,  
¡co huachi insonta nosoroinquë-  
maso ya'huërinhué'!

Inapotëranquëmaso marë' ¡co  
insonta sëtëyainquëmaso  
ya'huërinhué'!

Onpoinsona nisaramaso', ¡co  
insonta yanitotaponhué'!

<sup>6</sup>Canpitaso a'porahuatomaco, co  
huachi tahuëretëramacohué'.  
Ca Siniroco napotaranquëma'.  
Noya yonquiantamacoso marë'  
ninarápiranquëmahué',  
amirahuë.

Napoaton ana'intatëinquëma  
ata'huantëranquëma huachi.

- <sup>7</sup> Pintiathuatëra, naponinso ihuani quiquirin.  
Inapochachin canpitanta', ya'ipi ninanonëma quëran ocoiaranquëma'.  
Ya'huëramaso no'pa' tanahuan-tárin acoarahuë.  
Co noyahuë' ninamaso' co yaa'-poramahuë ni'ton, napotaranquëma'.
- <sup>8</sup> Pa'pi notohuaro' quëyoro'na ana'atarahuë.  
Marë yonsanquë inotë na'arinso pochin acoarahuë.  
Camotëchin nipirinhüë' chimirin anoantarinquëma'.  
Sanapi'sa hua'huinpitare' chachin tiquiarin.  
A'nanaya ma'sha onpohuachina',  
pa'pi pa'yanatona co napion ancantapona'.
- <sup>9</sup> Canchisë hua'huanpisopitanta', co huachi chiniapihuë'.  
Hua'huina tiquitopi ni'ton, pa'yanënaquë tapinanpitërapona'.  
Inapoatona tapanapona'.  
Pi'inta a'piánpirinhüë', tashitë-rëso pochin cancantapona'.  
A'naquën cha'ëpisopitanta', ca nohuanto inimiconënpitari tëpapon.  
Ca Sinioroco sha'huitaranquëma', tënin, itëquë', itërinco.
- Co napion ancantato Yosë nontaantarahuëso'**
- <sup>10</sup> Ina quëran caso pa'pi sëtao, mamahuë yonquirahuë:  
“¡Ma'huántacha caso mama ninahuë paya!  
Quëma hua'huanpirancohuë',

- naní quëran co natantonhuë pochin nohuitërinaco.  
Napoatona co quë'yarinacohüë'.  
Co onporonta coriqui a'nanatonaco ma'pachininacohüë'.  
Co carinta', a'napita coriqui a'nanchinahuë'.  
Co inapopirahuë', ya'ipiya quëran ama huachi noya ya'huëca'huaso marëhuë', sha'huitërinaco,” tënahüë.
- <sup>11</sup> Ina quëran Yosë nontato:  
“Sinioro. Co no'tëquën natëhua-tënuënsöhuë',  
inapo sha'huitërinacoso' nani'in nipachin.  
Inimicotërinacosopita ma'sha onpoatona parisitapirinahuë',  
co'so' inapita marë' nontohuatënuënta', nani'in,” itërahuë.
- Israiro'sa ana'intacaso sha'huitërinso'**
- <sup>12</sup> Ina quëran Sinioro taantapon:  
“¡Asiria, Papironia, inapita sontaro'saso',  
co incari tëranta minsëcaso' nanitaponhuë'!
- <sup>13</sup> Israiro'sa', canpitaso na'con oshahuanama'.  
Ina na'in quëran ma'shanëma pa'ton nininsopita, inimiconëmapita quëtarahuë.  
Ya'ipi no'panëmaquë ya'huërinso', topinan quiquitaponëma'.
- <sup>14</sup> Ca nohuanto inimiconëmapita hua'anëntatënuëma',  
co nohuitëramasohüë' no'paquë asacataponëma'.  
Ano'huitëramaco ni'ton, pën huëchimitërinso pochin ata'huantarancuëma', tënin.



**Yosë nontaantarahuëso'**

- <sup>15</sup> Ina quëran Yosë nontato itapo:  
 “Sinioro. Quëmaso' ya'ipi nito-  
 tëran.  
 Yonquirahuatonco catahuancoso  
 marë' huëquë'.  
 Aparisitërinacosopita ama tëno-  
 roatonhuë', i'huërëtequë'.  
 Inapita tënoroápatanso', tëpa-  
 ponaco.  
 Quëma natëranquënso marë'  
 na'con no'huirino.
- <sup>16</sup> Quëma nontohuatancora, pa'yá-  
 tërahuë natana'huaso'.  
 Hua'anëntëranco ni'ton,  
 quëma nanamën acapacanca-  
 miatërinco.  
 Quëmaso Sinioro Yosënuën,  
 ya'ipi nanitapan.
- <sup>17</sup> A'naquën capa cancantacaisoá-  
 chin yonquipi.  
 Caso inapitarë'co co nipayaca'-  
 huaso' nohuantërahuë'.  
 Ya'coancantëranco quëran huarë'  
 caoraíchín pochín pa'nahuë.  
 Piyapi'sa co noyahuë' nipachi-  
 nara, quëmariso no'huiran.  
 Inapochachín canta cancantë-  
 rahuë.
- <sup>18</sup> ¿Onpoatoncha parisitërahuëso'  
 co copi tëcahuë' nicaya?  
 Apirahuëso pochín nininso',  
 ¿onpoatoncha co noyatëca-  
 huë'?
- Co ma'sha nonën tëranta natë-  
 rinsohuë pochín niconin.  
 Yamoromiatohuachinara hua'-  
 yantorayaquë i'sha quënan-  
 pitërapí.  
 Ina pochín quëmanta catahuan-  
 coso marë' ninapiranquën-  
 huë',  
 co catahuanrancohuë',” itërahuë.

**Sinioro a'panirincoso'**

- <sup>19</sup> Naporo' Sinioroso', a'panianta-  
 rinco:  
 “Cachachin tahuërëtaantahua-  
 tanco, hua'anëntaantaran-  
 quën.  
 Ama ma'ton ma'ton nonquëso-  
 huë'.  
 Noya nininsoráchin nonquë'.  
 Inapohuatan, pënëntamaso  
 marë' carinquën nanan  
 quëtaranquën.  
 Chinitërinënuënsoopita ama  
 natëquësohuë'.  
 Quëma tëhuënuënso', natëinën-  
 quënso ya'huërin.
- <sup>20</sup> Ca nohuanton chiníquën  
 huaniaran.  
 Sha'pi hua'na quëran paira  
 nipiso pochín nisaran.  
 Ahuëapirinënuëonta', co nani-  
 tapihuë minsëinënuënso'.  
 Carinquën inapita quëran pa'po-  
 yatënuën nicha'ësarán-  
 quën.  
 Ca Sinioroco napotaranquën.  
<sup>21</sup> Co noyahuë' nipisopita ma'sha  
 yaonpotopirinënuënuë',  
 nicha'ësaránquën.  
 Chiníquën nanantopirinahuë  
 tëranta',  
 inapita quëran nicha'ësarán-  
 quën,” itërinco.

**Tëshitona'pi naporin  
quëran pënëinso'**

- 18** <sup>1</sup>A'na tahuëri Sinioro nonta-  
 tonco itaponco: <sup>2</sup>“Tëshito-  
 na'pi pëinënuë pa'maquë'. Inaquë  
 yonquirahuëso sha'huitaranquën,”  
 itërinco. <sup>3</sup>Napotohuachincora, pa'ma-  
 rahuato quënamarahuë. Inaso', tëshito

toronanquë tëshitarin nimarahuë.

<sup>4</sup>Yonsha nisapirinhüë' nitapirin nipa-china, ina no'pa quëran chachin a'na ya'huëré niantarin. Nohuantërinso chachin acoaquë huarë' tananpitërin.

<sup>5</sup>Naporo' Sinioro sha'huitërinco:

<sup>6</sup>“Israiro'sanquëma'. Caso chini chiní-quën nanantërahuë. Tëshitona'pi no'pa quëran nohuantërinso' ninin. ¡Inapochachin canta', canpitaro'co nanitërahuë nohuantërahuëso nica'huaso!' Canpitaso', tëshiro'pa pochin niconama'. Caso nipi-rinhüë', tëshitona'pi pochin ninahuë.

<sup>7</sup>Naciono'sahuë nipon, copirnoros' hua'anëntopisohüë nipon, a'nanaya nani-tërahuë hua'tahuatë t'ëlyatëréso pochin ata'huanta'huaso'. <sup>8</sup>Napoaponahuë', inaquë ya'huëpisopitaso oshanëna a'porahuatona noya yonquiantahuachina', co huachi ana'intarahüë'. <sup>9</sup>Ca nohuanton chachin a'na tahuëriso', naciono'sahuë nipon, copirnoros' hua'anëntopisohüë nipon, noya noya acoa'huaso yonquirahuë. Inapohuachina chini chiníquën nanantapi. <sup>10</sup>Inapitaso napoaponahuë', noya nipiso' a'porahuatona pënënahüë-sopita co natëpilhüë'. Napopiso marë' noya acoa'huaso yonquirapiporahuë', co huachi ina pochin catahuapohüë',” itërinco.

<sup>11</sup>Naquëranchin Sinioro nontaantarinco: “Ya'ipi Cota huënton israiro'sa sha'huitëquë'. Quirosarinquë ya'huëpisopitanta sha'huitëquë': ‘Ca Sinioroco ana'inta'huanquëmaso yonquiarahuë. Napoaton co noyahuë' ninamasopita a'porahuatoma', noya noya nicacamaso cancantoco', itëquë'. <sup>12</sup>Inapitaso napoaponahuë', napotapënën: ‘Napotápirancoihüë', co natëarainquënhüë'. Quiyaora nohuantëraiso' nisarai. Co natantochináchinüë' cancantatoi, co noyahuë' yonquiraiso imapoi,' itapënën,” itaantarinco.

<sup>13</sup>Napopiso marë' Sinioro tënin:

“¿Inso nacionquë tëranta ta'ma ina pochin nonpiso natanama nicaya?

Israiro'saso', pa'pi co noyahuë' nipi.

<sup>14</sup>Nipano motopi inápa natëtëro'-

saquë ocai ya'huërinso',  
¡co onporonta ayaponhuë'!

Inatohuaran t'ë'nai' i'sharo'santa o'marinso',

¡co onporonta yaniponhuë'!

<sup>15</sup>Piyapinëhuëpitaso nipirinhüë', naniantërinaco.

Nisha nisha mamanshiro'sa moshacaiso marë'

yonarin pochin nininso' a'pëpi.

Íráca pënëntërahuë'sopita a'popi ni'ton,

chihuëatona nisha ira pa'topiso pochin nipi.

<sup>16</sup>Napopiso marë', ya'huëpiso no'pa' tanahuantárin acoarahüë.

Inapotërahuëso ni'pachina',  
piyapi'sa pa'yanapona'.

Ya'ipi inataquëchin na'huëpisopita, pa'yanatona huësë huësétapona'.

<sup>17</sup>Pi'i pipirinso parti quëran ihuan huë'ninso pochin

israiro'sa a'pararahüë.

Inimiconënapitari canahua-china ta'ananpipona'.

Ana'inta'huaso tahuëri nanihua-chin,

co huachi catahuapohüë',” tënin.

### **Ma'sha onpotiinacoso marë' yonquipiso'**

<sup>18</sup>A'na tahuëri piyapi'sa chinotatonaco: “Huëco pa'ahua Irimiasë tëpacaiso marë' sha'huirapia'hua'. Ama manta naporinso natëahuasohüë'. Corto hua'ano'sa

Yosë nanamën a'chintiinpoaso', co pahuanaponhuë'. Yonquinahuano'-santa pënënaipoaso', ya'huëapon. Pënëntona'piro'santa Yosë naporinso' anitotiinpoaso', ya'huëapon," topi.

<sup>19</sup> Napopiso' natantato, Yosë nontërahuë:

“Sinioro nontëranquënso' natanaton, inimicotërinacosopita napotërinacoso' natanquë'.

<sup>20</sup> Noya nitohuachinacoira ¡co naponinquë i'huëretërahuë'!

Inahuaso napoaponahuë', chimipi pa'pitacaiso marë' no'pa' ihuapiso pochin yatëparinaco. Inapita ana'intacaso yonquihuatana, ama inapotacaso marëhuë', nontëranquën.

No'huitëranso sanoaton noya ni'camarë', napotëranquën.

<sup>21</sup> Iporaso napoaponahuë', hui'ni-napita chimiina'.

Tana quëranhuë nipon, sahuëni quëranhuë nipon, chimiina'. Sa'inanta quëyoronatona sa'ahuaina'.

Quëmapi'santa chiníquën caniori tëpa'in.

Hui'napiñënapitanta', ahuëtopiquë chimiina'.

<sup>22</sup> Panca sontaro'sa huënton inapita ahuëcaiso marë' a'nanya a'patiiquë'.

Pa'yanatona noncaroina'. Ma'sha ma'caimarë' pison acopiso pochin, caso nonpinapitonaco ma'sha yaonpotërinaco ni'ton, inapotëquë'.

<sup>23</sup> Quëmaso napoaponahuë', ya'ipi yonquirapirinacoso nito-tëran.

Tëpainacoso marë' napopi-sonta', nitotëran.

Co noyahuë' nipi ni'ton, ama nicha'ëquësuhuë'.

Oshanënanta ama naniantëquësuhuë'.

¡Noya no'huitahuaton, ana'into-miatëquë'.

I'parëso pochin nicatona copichina!" itërahuë'.

### Yonsha pa'quirëso pochin nitarinso'

**19** <sup>1-3</sup> A'na tahuëri Sinioro itaponco: “Paaton a'nara yonsha pa'anconquë'. Naporahuaton a'naya a'naya corto hua'ano'sa', ansiano'sa', inapita përasahuaton Pini-inon motopianaquë quëpaquë'. Inaso' motopiana: ‘Socatëro'sa ya'coana,’ itopiso' notënanquë ya'huërin. Inaquë nipatama' nanan anitotëranquënso sha'huiton napotëquë': ‘Cota huënton copirnoros'sa', Quirosarinquë ya'huëramasopita, ya'ipinquëma Sinioro nanan anitotëranquëmaso', natanco'. Inaso', ya'ipi nanitapaton israiro'sanpoa hua'anëntërinpoa'. Isoporinquë ya'huëramasopita pa'pi chiníquën ma'sha onpotëranquëma'. Inso tëranta natanpachin, pa'yanaton sha'pi sha'pitapon. <sup>4</sup> Ya'ipinquëma a'poramaco ni'ton, no'pa' quëtëranquëmaso tapiatoma', nisharo'pa' pochin atarantërama'. Nisha nisha mamanshiro'sa moshacamaso marë' yonarin pochin nininso' a'përama'. Inapita mamanshiro'saso' co nohuitëramahuë'. Shimashonëmapitarinta', co nohuitopihuë'. Co Cota huënton copirnoros'sa tëranta nohuitopirinahuë', mosharama'. Naporahuaton na'a piyapi'sa co manta onpopirinahuë', tëparama'. <sup>5</sup> Artaroro'-santa' ninama', Paaro moshatoma hui'-namapita ya'ipi ahuiquitamaso marë'.

Inapocamasoso', co pi'pian tēranta camaitērahuē'. Co yonquiyatērahuē'.<sup>6</sup>Naporamaso marē' tahuēri nanihuachin ina motopianaso', co huachi Tohuito itaponahuē'. Co Pini-inon motopiana, itaponahuē'. "Israiro'sa tiqipiquē motopiana," itapona'. Ca Sinioroco sha'huitaranquēma'.<sup>7</sup>Cota huēntonquē, Quirosarinquē, inaquēpita ma'sona nicacamaso' yonquipiramahuē', carima tapitaranquēma'. Ca nohuanton tēpararinēmasopita huēsahuatona', minsērahuatēnēnquēma' tiquiarinēnquēma'. Inapotohuachinēnquēma nonēmaso', chanaro ca'tēro'sa', ni'niro'sa', inapitari ca'sarin.<sup>8</sup>Inapotohuatēnquēma iso ninanoso', tanahuantápon. Piya-pi'sari ni'pachina pa'yanapona'. Ya'ipi isēchin na'huēpisopita ata'huantomiatērinēnquēmaso ni'pachina', pa'yana-pona'.<sup>9</sup>Ca nohuanto tananēmaquē, hui'namanta' capoma'. Inimiconēma tancapitohuachinēnquēma', tana yatēparáponquēma'. Napoaton amiconēma nipirinhue', tēpatoma capoma', tēnin Sinioro,' itēquē'," itērinco.

<sup>10</sup>Nani ina sha'huihuatan, ya'ipi ca'taninēnsopita ni'tērantapaiquē, yonsha quēparanso' pa'quiquē'.<sup>11</sup>Inapota-huaton napotaantaquē': "Sinioroso' ya'ipi nanitapaton napotērinquēma': 'Ca nohuanto iso ninanoquē ya'huēpisopita, pa'quiatē pochin nitarahuē. Yonsha pa'quihuatēra, co huachi noyatacasohuē' niconin. Inapochachin iso ninanoquē ya'huēpisopitanta nitarahuē. Napoaton chiminpisopitaso', Tohuitoquēáchin pa'pitapona'. Co intohua aquētē pa'pitacaisohuē ni'ton, napoapona'.<sup>12</sup>Inapotapo mini isēquē ya'huēpisopita. Tohuitoquē chimipiro'sa pa'pitatona amēntatopiso

pochin iso ninanonta nitarahuē. Ca Sinioroco sha'huitaranquēma'.<sup>13</sup>Quirosarinquē pēiro'sa ya'huērinso aipi<sup>b</sup>, yonarin pochin nininso' tayloraro'sa moshacaiso marē' a'pēpi. Nisha nisha mamanshiro'sa marēnta', huino opopi. Copirnoros' hua'anēntopiso pēiro'sa aipinta inapopi ni'ton, amirotochináchin ni'nahuē. Ya'ipi inapita pēiro'sa', Tohuito amirotochináchin ni'nahuēso pochachin ni'sarahuē, tēnin Sinioro,' itaantaquē'," itērinco.

<sup>14</sup>Napotohuachincora, ina inachachin ninahuē. Tohuitoquē Sinioro nanamēn nani sha'huihuatora huēantarahuē. Inaquēran Yosē chinotacaso pēi i'iratē huáncana huanirahuato, piyapi'sa sha'huitaantarahuē:<sup>15</sup>"Sinioroso ya'ipi nanitaparín. Inaso', israiro'sanpoa hua'anēntatopoa naporin: 'Canpitaso', pēnēnanquēmasopita co natētochináchinhuē' cancantērama'. Napoaton iso ninanoquē ya'huēramasopita, ana'intarantaruēma'. A'napita ninanoquē ya'huēpisopitanta', ana'intarahuē. Ya'ipi maquēranpitasona ana'inta'huantquēmaso', nani sha'huitēranquēma'. Sha'huitēranquēmaso chachin nitaranquēma', tēnin Sinioro,' itērahuē.

**Pasoro corto hua'an ma'sona onpocaso' sha'huitērahuēso'**

**20**<sup>1</sup>Imiri hui'nin Pasoro itopiso' corto hua'an, pēnētērahuēso' natanin. Inaso' corto hua'an, Yosē pēinēn a'pairo'sa hua'anēn ya'conin.<sup>2</sup>Ina natanaton camaitērin: "Irimiasē huihuirahuatoma', nontēro'saquē nantēquēn acatētoco'," tēnin. Napohuachina inapotērinaco. Ina nontēro'saso', "inapa Mincamin ya'coana" itopiquē ya'huērin. Ina ya'coanaso', Yosē chinotacaso pēi

<sup>b</sup> 19.13 Pēiro'sa ya'huērinso aipi: Iso nitotacaso marē' Jos 2.6 quē ni'quē'.

pirayan ya'huërin. <sup>3</sup>Tahuërinquë ina nontëro'sa quëran ocoincoso camaitërin. Naporo' cari itapo: "Sinioro nininën canpiatërinquën. Co huachi Pasoro itaponënhuë'. 'Macoro-misapipi' itaponën. <sup>4</sup>Co topinan ina pochin nohuitarinënhuë'. Sinioro napotërinquën: 'Ca nohuanton pa'pi chiniquën parisitaran. Amiconënpitanta napoapona'. Inapoatoma pa'pi huëhuëpiro nisarama'. Quëma ni'tonënhuë chachin amiconënpita inimicoro'sari tëpapon. Ya'ipi Cota huëntonquë ya'huëpisopita Papironia copirnorri canapon. Inari a'naquën ya'huërin'pa' quëpapon. A'naquënso', cosoroa'huaquë tëpapon. <sup>5</sup>Iso ninanoquë ma'sha pa'ton nininsopita, Cota huënton copirnorro'sa pa'ton nininsopita tapapiso', ya'ipi inapita ca nohuanton inimicoro'sa matarinëma'. Papironia'pa' ya'ipi quëpapona'. <sup>6</sup>Quëmanta Pasoro, inátohua quëpaponën. Sa'an, hui'nanpita, quëmopinënpita, inapitarë'quën chachin pa'saran. Inaquë chiminpatan, pa'pitaponën. Amiconënpita nonpi nanano'sa sha'huitëransopitanta', quëmarë chachin pa'pitapona', tënin Sinioro," itërahuë.

**Co napion ancantato Yosë nontaantarahuëso'**

- <sup>7</sup> Sinioro, quëma piyapinën nica'huaso marë' noyasha nontatonco përaranco. Napotohuatancora carinquënso natëranquën. Quëmaso' chini chiniquën nanantëran ni'ton, canaranco. Quëma nanamën sha'huirahuëso marë' nani tahuëri tëhuarinaco.

- <sup>8</sup> Ma'sona nonpatëra co ma'sha sha'huirahuë':  
 "Inimicoro'sa huë'sahuatona', ahueërinënhuëma'.  
 Ata'huantarinënhuëma'," tosárahue'.  
 Ina marë' no'huirárinaco.  
 Tëhuarárinaco.  
 Quëma nanamën sha'huirahuë ni'ton, napotërinaco.
- <sup>9</sup> Amiato: "Ama huachi Sinioro yonqui'isohuë'.  
 Nanan quëtopirincohuë tëranta', ama huachi noinsohuë'," tënahuë.  
 Taporahuë', quëma nanamën ya'coancantërinco ni'ton, pën ma'sha ahuiquitërinso pochin nitárinco.  
 Nansëanaquë huarë' pi'carincoso pochin natanahuë.  
 "Chinitato nipachin ama noinsohuë'," taporahuë', ¡co'chi nanitërahuë' cacota'huaso paya!
- <sup>10</sup> Naní quëran pochin tëhuatonaco: "Ya'ipi parti pa'yan ya'huërin" itoninaco.  
 Naporahuaton: "Huëco pa'ahua sha'huirapiahua'," tosápi.  
 Amiconëhuëpita quëran huarë' tëhuëca'huaso ninapi. Monatonaco yacarinaco.  
 "Canarëhua naporini, i'huërechitërihuahuë'," topi.
- <sup>11</sup> Quëmaso' Sinioro napoapona-huë',  
 catahuancoso marë' ya'huëaran. Ahuëtona'pi co minsëchiná-chinhuë pochin ninan.  
 Aparisitërinacosopitaso', anotëresó pochin nicapona'.

<sup>c</sup> 20.3 *Macoro-Misapipiso'*: Ya'ipi parti pa'yan ya'huërin tapon naporin.

Co minsëinacoso nanitapihuë'.  
 Napoatona', taparo nisapi.  
 Quëmari minsëranso', ama  
 insonta nanianchinsohuë'.

<sup>12</sup> Sinioro quëmaso' ya'ipi nanitaparan.  
 Ma'sona onporaisopita no'të-  
 quën tantiarancoi.

Yonquiraisopitanta', naniarin  
 quëran huarë' nitotëran.  
 Quëmasáchin caso ninaranquën  
 ni'ton,  
 inimicotërinacosopita ana'intë-  
 ranso', ni'i.

<sup>13</sup> ¡Sinioro pa'yatatëhua cantahua!  
 Co noyahuë' nipisopita apar-  
 sitopirinënpoahuë', inaso  
 nicha'ërinpoa'.

<sup>14-15</sup> ¡Mamahüë huairincoso tahuëri,  
 pa'pi co noyahuë' ni'nahuë!  
 Quëmapia'hua hua'huatërahuëso  
 tatahuë sha'huitaton acapacan-  
 caninso quëmapinta',  
 ¡pa'pi co noyahuë' ni'nahuë!

<sup>16</sup> A'naquën ninanoro'sa Siniorori  
 ata'huantomiatërin.  
 Ina ninanoro'sa pochin ina quë-  
 mapinta niin.  
 Tashiramiachin ma'sha onpoa-  
 tona noncaropiso', nata'in.  
 Camotëchinta ahuëtahuachina',  
 sha'huitona noncaropiso',  
 nataanta'in.

<sup>17</sup> ¡Ma'cha Sinioro mamahuë  
 yo'namënuë  
 tëpachinarancohuë' paya!  
 Inapotëranco naporini, co hua'-  
 huachitohuë'.  
 Ina quëran chachin pa'pitërina-  
 coso pochin quëparichitohuë'.

<sup>18</sup> Hua'huatato na'con parisitë-  
 rahuë, sëtërahuë,  
 taparo nisáruhuë, naporahuë.  
 ¡Co hua'huatërahuë' naporini,  
 noya noya niitohuë'! itërahuë.

**A'na tahuëri piyapinënpita noya  
 acoantacaso' sha'huirinso'**

**23** <sup>1</sup>A'na tahuëri Sinioro nontaan-  
 tarinco:

“Hua'ano'saso', piyapinëhuëpita  
 a'paicaiso marë' acorahuë. Inapitaso',  
 a'paitona'pi ohuicarosa noya a'pairinso  
 pochin nitacaiso ya'huërin. Ya'huëpi-  
 rinhuë', co inapotopihuë ni'ton, piyapi-  
 nëhuëpitaso', chihuëatona yanquëëpiso  
 pochin nipi. Hua'ano'sa napopisopitaso',  
 ¡ma'huántacha nisapi paya!” itërinco.

<sup>2</sup>Sinioroso' Yosë. Ya'ipi israiro'sanpoa  
 chinotërehua'. Inari chachin hua'ano'-  
 sanquëma anitotarinquëma': “Canpitaso  
 piyapinëhuëpita co noya a'paitomahuë',  
 ayanquëërama'. A'paitona'pi ohuica-  
 nënpita co noya a'pairinsohuë pochin  
 niconama'. Napoatoma co noyahuë'  
 ninama ni'ton, ana'inta'huanquëmaso  
 ya'huërin. Ca Sinioroco sha'huitaran-  
 quëma'. <sup>3</sup>Hua'qui quëran napoapona-  
 huë', piyapinëhuëpita ayontoantarahuë.  
 Nisha nisha parti a'parahuë quëran  
 huënantapona'. Ohuicarosa pastonënuë  
 chachin quënantahuatëra, na'antarinso  
 pochin inapitanta nitarahuë. <sup>4</sup>Piyapi-  
 nëhuëpita huënantahuachina', noya  
 hua'ano'sari a'paicaiso marë' acota-  
 rahuë. Inapitari a'paihuachina', co  
 manta të'huatapihuë'. Napoatona co  
 a'naya tëranta pahuanaponahuë'. Ca  
 Sinioroco sha'huitaranquëma',” tënin.

<sup>5</sup> Ina quëran Sinioro taantarin:

“Ca nohuanton a'na tahuëri  
 Tapi shiin ya'huëapon.

Ina hua'anëntohuachin, yonquí-  
 nahuan copirno nisarin.

Noyasáchin nicaton, noya coisë  
 pochin nicapon.

<sup>6</sup> Ina copirno nicaso', Cota  
 huënton israiro'sa  
 cha'ëpona'.

A'napita israiro'santa', sano  
cancan quëran ya'huëapona'.  
Nininën nohuitatona', 'Sinioro  
nicha'ërinpoaso', itapona',"  
tënin.

<sup>7-8</sup> Sinioro chachin sha'huitaantarín-  
quëma': "Ca nohuanton a'na tahuëri  
Yoscoarë' topatama', nisha nonapoma'.  
Iporaso' nonpatamara: 'Sinioro ni'sá-  
rinpoa'. Inaso', israiro'sanpoa Iquipito  
quëran ocoirinpoa', tënama'. Naporoso  
nipirinhuë': 'Sinioro ni'sárinpoa'. Inaso'  
israiro'sanpoa norti parti, nisha nisha  
parti ayanquëëpirinpoahuë', ocoianta-  
rinpoa', tapoma'. Inapoatoma ya'huëra-  
maquë chachin ya'huëantapoma',"  
tënin.

**Nonpinatona pënëntopisopita  
pënëinso'**

<sup>9</sup> Nonpi nanan pënëntopisopita  
pënëna'huaso marë' Sinioro  
anitotërinco.  
Ina yonquiato co napion ancan-  
tarahuë.  
Ya'ipi nonëhuë quëran huarë'  
ropatërahuë.  
No'pito yanotatárahuešo pochin  
ninanatahuë.  
Sinioro noyasáchin noninsopita  
yonquiato naporahuë.  
<sup>10</sup> Ya'ipi Israiro no'paquë  
monshihuantëro'sa pochin  
cancantopisopita na'amia-  
tërin.  
Co noyahuë' nicacaisoráchin  
cancantopisopita na'amia-  
tërin.  
Co noyahuë' ninicatona co  
nipa'poyapihuë'.  
Napoaton Sinioroso' ama huachi  
isoro'pa' noyatacaso marë-  
huë', sha'huitërin.  
Inapotërin ni'ton, yanitë pochin  
ninin.

Inotëroquë pastoro'sa ya'huërin-  
sopitanta', huëyarín.

- <sup>11</sup> Napoaton Sinioro naporín:  
"Pënëntona'piro'sa', corto  
hua'ano'sa inapitaso noya  
noya nicacaiso nipirinhuë',  
inapita'ton pa'pi co noyahuë'  
nipi.  
Pëinëhuëquë chachin co noya-  
huë' nipiso', quënyatë-  
rahuë.  
<sup>12</sup> Napoaton cari chachin inapita  
ana'intarahuë.  
A'nanaya ma'sha onpocaiso'  
cantiipon.  
Co incari tëranta nicha'ëponhuë'.  
Ca Sinioroco sha'huitaran-  
quëma'.  
<sup>13</sup> Iráca Samariaquë pënëntona'pi-  
ro'sa ya'huëpisopita napo-  
piso' ni'nahuë.  
Pa'pi no'huípiro ni'nahuëšo nipi.  
Paaro marë' pënëntopi.  
Inapoatona piyapinëhuëpita  
israiro'sa itopiso' achihuëpi.  
<sup>14</sup> Quirosarinquë pënëntona'pi-  
ro'sa ya'huërinsonata',  
napopiso' ni'nahuë.  
Pa'pi co noyahuë' nicatona  
sal'ina tëhuananpitopi,  
nonpinpi, napopi.  
Co noyahuë' nipisopita achini-  
cancanpi ni'ton,  
co insonta co noyahuë' nininso'  
yaa'porinhuë'.  
Ina pënëntona'piro'sa', ya'huë-  
huano'sa',  
inapitaso sotomaro'sa', como-  
raro'sa', inapita pochin  
ni'nahuë.  
<sup>15</sup> Caso Sinioroco ya'ipi nanitapa-  
rahuë.  
Inapita napopiso marë' no'të-  
quën sha'huitarahuë.

- Máin nininso' a'catë pochin nitarahuë.  
 I'sha noniapinan o'shítatë pochin nitarahuë.  
 Quirosarinquë pënëntona'piro'sa ya'huërinso a'chinin quëran ya'ipi co noyahuë' nipiso' cotioro'sa ya'huëpíquë yanquëërin," ténin.
- <sup>16</sup> Sinioroso' ya'ipi nanitapaton israiro'sanpoa pënëninpoa':  
 "Ina pënëntona'piro'sa ma'sona pënënpachinquëma', ama natëtocosohuë'.  
 Inahuara yonquinëna quëran sha'huitatënëma nonpintárinëma'.  
 Co cari anitotërahuëso sha'huitërinënquëmahuë'.
- <sup>17</sup> Nanamëhuë nocanpisopita pënënpachinara:  
 'Ya'ipi ninamasopita noya pipitarinquëma', itopi.  
 Co noyahuë' yonquipiso imapisopita pënënpachinaranta':  
 'Co manta ma'sha onpoaramahuë', itopi.
- <sup>18</sup> Napoaponahuë yonquirahuëso-pitaso',  
 ¡co ina pënëntona'piro'sa nito-topihuë'!  
 ¡Co insonta nicatonco nonahuëso' nataninhuë'!  
 ¡Co a'naya tëranta noya natantonco, natëcaso' nohuantërinhuë'!
- <sup>19</sup> Napoaton inapita no'huirahuëso', ihuai' pochin nisarín.  
 Panca ihuan quiquitërinso pochin nisarín.  
 Ina quiquitërinso pochin co noyahuë' nipisopita nitarín.
- <sup>20</sup> Ca Sinioroco no'huitërahuëso', co copi tapohuë'.

- Nohuantërahuëso' naniquë-huarë', inachachin nisápon.  
 Tahuëri nanihuachin, inapita canpitanta yonquiapoma'.  
 Ina yonquiatoma': 'Tëhuënchachin no'tëquën Sinioro sacatërin,' tëcapoma'.
- <sup>21</sup> Ina pënëntona'piro'saso', co cari a'parahuë'.  
 Co pi'pian tëranta nonchátëra-  
 rahuë'.  
 Inahuaso napoaponahuë', mano manorahuatë pa'nëso pochin 'Sinioro nanan quëtërincoi ni'ton, nontarainquëma', toconpi.
- <sup>22</sup> Tëhuënchachin piyapinëhuëpita nipi naporini,  
 imarinacosopita nanamëhuë anitochitonahuë'.  
 Piyapinëhuëpitanta ina nitotona':  
 'Tëhuënchachin co noyahuë' ninëhua'.  
 Huëco pa'ahua ina a'porahua-tëhua', Sinioro natëahua', niichitonahuë'.
- <sup>23-24</sup> Caso Yosëco ni'to, isëquë ya'huërahuë.  
 Aquënta nipirinhüë', ya'huëarahuë chachín.  
 Co inquëma tëranta nanitëramahuë' na'pitamacoso'.  
 Inápaquë, isoro'paquë, ya'ipi parti ya'huëarahuë.
- <sup>25-26</sup> Ina pënëntona'piro'sa nonpintatënëma': 'Sinioro huë'ëhuëquë yánon-tërinco,' topiso natanahuë. Inahuara yonquinëna quëran naporápi. ¿Onporo huarëcha napopiso' copi tënë'poiya?
- <sup>27</sup> Hua'napiso sha'huitona', piyapinëhuëpita naniantiinacoso yonisapi.  
 Iráca shimashonënapitanta', Paaro mamanshi moshacaiso marë' naniantërinaco.



Inapita pochachin ipora piyapinëhuë-pitanta nisapi. <sup>28-29</sup>A'na pënëntona'pi hua'natohuachina, 'hua'narahuë ta'a,' chin. Nanamëhuë chachin natanpachinso napoaponahuë, ama nisha sha'huiinsohuë. Tricorayaso' co pi'pitën pochin nininhuë. Nanamëhuëso', tricoraya pochin ninin. Nanamëhuëso', pën ma'sha ahuiquitërinsó pochin ninin. ¡Panca martichoquë natëtë nipoatë-rëso pochin ninin anta'! Ca Sinioroco sha'huitaranquëma'.

<sup>30-32</sup>Napoaton nonpi nanan pënëntopisopita inimicotërahuë. Inahuara capini ninonpintaponaraihuë, a'napita sha'huitohuachinara: 'Sinioro anitotërincoi,' toconpi. Napopiso marë' inapita inimicotërahuë. Inapitaso' co cari a'parahuë, co pi'pian tëranta camairahuë. Niponahuë, hua'napisopita sha'huitatënënuquëma pënënarinënuquëma'. Pënënpirinquëmahuë, co manta noya cancantamaso catahuaponquëmahuë. Anishacancantarinquëma tēhuëchinsó. Caso Sinioroco sha'huitaranquëma', tēnin.

### Yatëparinacoso'

**26** <sup>1-2</sup>Cosiasë hui'nin Coaquin itopiso' nasha copirno Cota huëntonquë ya'conarin. Naporo tahuëri'sa Sinioro nontatonco: "Cota huëntonquë na'a ninanoro'sa ya'huërin. Ina quëran huë'sahuatona', pëinëhuëquë chinotërinaco. Inapita sha'huitacaso marë' nani nanan anitotëranquën. Ya'ipi anitotëranquënso', pëinëhuë i'iratëquë huanirahuaton sha'huiquë'. <sup>3</sup>Nani co noyahuë' nipiso marë' ana'inta'huaso' yonquirahuë. Napopirahuë, natëtënën co noyahuë' nipiso a'pohuachina', co huachi yonquirahuëso chachin nitapohuë'. <sup>4-6</sup>Iso pochin sha'huitaran: 'Ma'sona sha'huitëranquëmasopita co'so'

natëhuatamahuë', ca marë' pënëntopisopitanta co natëhuatamahuë', iso chinotëramacoso pëi', iráca Siroquë ya'huërinso pochachin ata'huantarahuë. Ca marë' pënëntopisopitaso' cari a'parahuë ni'ton, naquëranchin naquëranchin pënënarinënuquëma'. Inapita co natëramahuë' ni'ton, ana'intaranquëma'. Quirosarin ninano inapotohuato, ya'ipi naciono'saquë ya'huëpisopita ama huachi noya ya'huëcaiso marëhuë' yasha'huitohuachina' iso pochin sha'huitapi: "Quirosarin ninano Yosëri ata'huantërinso pochachin canpitanta ata'huanchinquëma'," taponá, tēnin Sinioro,' itëquë'," itërinco.

<sup>7</sup>Naporinsó chachin Yosë pëinën i'iratëquë sha'huirahuë. Sha'huihuatora, corto hua'ano'sa', pënëntona'piro'sa', ya'ipi ya'huëhuano'sa', inapita natanpi. <sup>8-9</sup>Sinioro camairincoso', nani sha'huihuatora, ya'ipi natanpisopita masahuatonaco no'huirinaco: "Iporaso' chiminamaso ya'huërin. Quëmaso' pënëntohuatana, 'Yosë chinotacaso nē'mëtë pëi Siroquë ya'huërinso', Siniorori ata'huantërin. Ina pochachin isonta chinotërehuaso pëi', ata'huantarin. Iso ninanonta ata'huantohuachin, tanahuantápon,' tēnan. Napoaton quëmaso', co tē'huarohuanhuë pochin nonan. ¡Co ina pochin nonacaso ya'huërinhuë'!" itërinaco.

<sup>10</sup>Cota huënton hua'ano'santa naporapiso natantatona', copirno pëi quëran Yosë chinotopiso pëiquë pa'pi. Inaquë pa'sahuatona', "nasha ya'coana" itopiso' ya'coanaquë huënsëconpi. <sup>11</sup>Naporo' corto hua'ano'sa', pënëntona'piro'sa', inapitaso', hua'ano'sa', ya'huëhuano'sa inapita nontatona itapona': "Iso quëmapi chiminacaso ya'huërin. Iso ninano ta'huantacaso' sha'huirin. Ya'ipinquëma natanama'," topi.

<sup>12</sup>Caso napoaporahuë', hua'ano'sa', ya'huëhuano'sa inapita nontato: "Sinioro nanan quëtërinco ni'ton, iso ninano', Yosë chinotacaso pëi', inapita ma'sona onpocaso' sha'huitëranquëma'. <sup>13</sup>Noya noya nicacamaso' cancantoco'. Sinioro Yosënënpoa ni'ton, ina natëco'. Inapohuatama', ma'sha onpotiinquëmaso' sha'huitopirinquëmahuë', co inapotarinquëmahuë'. <sup>14</sup>Caso nipirinhüë', ma'sona yaonpotohuatamaco, inapotoco nipachin. <sup>15</sup>Napoaponahuë', noya yonquico'. Tëpahuatamacoso', co manta onpopirahuë' tëpapomaco. Ina marë' ya'ipinquëma na'inarama'. Ya'ipi sha'huitëranquëmasopitaso', co caora nohuanton sha'huitëranquëmahuë'. Sinioro a'parinco ni'ton, napotëranquëma'," itërahüë'.

<sup>16</sup>Napohuatora, hua'ano'sa', ya'huëhuano'sa', inapitari corto hua'ano'sa', pënëntona'piro'sa', inapita nontatona itapona': "Iso quëmapi co manta onpotacaso ya'huërinhuë'. Sinioroso' Yosë ni'ton, pënënaipoaso marë' a'parin," itopi.

<sup>17-18</sup>A'naquën ansianoro'santa', huanirahuatona ya'huëhuano'sa niyontopisopita nontopi: "Cota huëntonquë Isiquiasë copirno nicaso', Morisitoquë a'nara pënëntona'pi ya'huërin. Inanta Siniorori nanan quëtërin ni'ton, ya'ipi Cota huënton isirairo'sa pënënaton itapon: 'Sinioroso' ya'ipi nanitapaton: Quirosarin ninano ata'huantapon. Imin taparocamarë' ohuërëpiso pochin nitapon. Quirosarin ninanoquë na'piro'sara' yamorápon. Yosë pëinën ya'huërinquë motopia'huanta', pantatápon,' tënin.

<sup>19</sup>Miquiasëso napopirinhüë', ya'ipi Cota huënton isirairo'sa', Isiquiasë copirno,

inapitariso co tëpapihuë'. Copirno quëran huarë' Sinioro të'huataton nosorocaiso marë' nontërin. Napohuachina ata'huantacaso sha'huitaponahuë', co huachi inapotërinhuë'. Irimiasë tëpahuatëhuaso', jna'con na'con na'inarihua!" itopi.

<sup>20</sup>Simaiasë hui'nin Oriasë pënëntona'pinta', Quiriato-quiario ninanoquë ya'huërin. Inanta ca pochachin Siniorori nanan quëtërin ni'ton, iso ninano', iso no'pa', inapita ta'huantacaso' sha'huirín. <sup>21</sup>Ina naporinso', Coaquin copirno, catahuarinsopita hua'ano'sa', a'napita hua'ano'sa', inapitanta natanpi. Ina marë' copirnorori yatëparin. Oriasëso napoaponahuë', ina natantahuaton të'huanënuquë Iquipito'pa' ta'arin. <sup>22</sup>Napohuachina, copirnososo' Acaporo hui'nin Irinatan itopiso' inatohua a'parin. Caraya quëmapi'santa ina catahuacaso marë' a'parin. <sup>23</sup>Inapitari Iquipito quëran mamarahuatona', copirnoquë quëpi. Inari atëpatahuaton, chimipiro'sa të'yatopiso' naninquë atë'yatërin. <sup>24</sup>Caso napoaporahuë', a'nara hua'an catahuarinco ni'ton, co ya'huëhuano'saquë tëpainacoso marë' yo'ninacohüë'. Inaso hua'an Sahuano hui'nin Aicamo itopi.

### Ya'huëpiquë chachin isirairo'sa huënantacaiso sha'huirínso'

**31** (A'na tahuëri Sinioro nontatonco: "Isirairo'sa co noyahuë' nipiso marë' ana'intato, nisha nisha parti ayanquëarahuë. Inapotohuato na'con parisitapi. Parisitopirinhüë', cari chachin nosoroato nicha'ëantapo. Inapotato ya'huëpiquë chachin quënantapo," itërinco.)

<sup>1</sup>Ina quëran taantarín: "Ina tahuëri nanihuachin, casáchin ya'ipi Isirairo huëntono'sa chinotarínaco. Inapitanta piyapínëhuëpita nisapi," tënin.

- 2-3 Ina quëran Sinioro taantarín:  
 “Inotëro parti israiro'sa  
 paasoí',  
 nosororahuëso', a'notërahuë.  
 Inapitaso' chimirin quëran  
 cha'ëtë pochín nipi.  
 Sano cancantacaiso marë'  
 no'pa' yonisoí',  
 ya'notahuato nontërahuë:  
 Carimaso', co pi'pisha nosoro-  
 ranquëmahuë'. Nosoromiatë-  
 ranquëma'.  
 Napoaton ipora huanta nosoroá-  
 ranquëma'.  
 4 Nasha quëran chachín noya  
 acoantaranquëma'.  
 Capa cancantatoma nansa-  
 poma'.  
 Shari shari pi'niatoma', nansa-  
 poma'.  
 5 Samaria motopia'huaro'saquë  
 naquëranchin oparotaanta-  
 poma'.  
 Inapoatama', canpitaora  
 chachín nitërinso capoma'.  
 6 Co hua'quiya quëranhuë' Iprain  
 motopia'huaro'saquë  
 a'païtoro'sa chiníquën sha'hui-  
 pona':  
 ‘Huëco pa'ahua Quirosarinquë  
 ni'tonta'ahua'.  
 Inaquë Sinioro chinotonta'a-  
 hua', tëcapona'” tënin.  
 7 Naquëranchin Sinioro taan-  
 tarín:  
 “Ya'ipi israiro'sanquëma', capa  
 cancantatoma cantaco'.  
 Canpitaso a'napita naciono'sa  
 quëran  
 chiní chiníquën nanantarama'.  
 Napoatoma':  
 ‘¡Ma noyacha quëmaso' piya-  
 pinënpitacoí nicha'ërancoi  
 paya!

Carayacoi quëparitëraisopita  
 napotërancoi,' tëcatoma  
 chinotaramaco,” tënin.

- 8 Naquëranchin Sinioro taantapon:  
 “Ca nohuanton piyapinëhuëpita  
 norti parti quëran huëanta-  
 pona'.  
 Isoro'pa' nanirinquë huarë'  
 a'naquën quëpapirinahuë',  
 ya'huëpiquë chachín ayontoan-  
 tarahuë.  
 Somarayaro'sa', sonpacharo'sa',  
 cayorono'sa', huaishirono'sa',  
 inapita huë'sapi.  
 Hua'huayátërahuë piyapi'sa  
 huë'sapi.  
 9 Orarë'nachín, na'nërë'nachín,  
 huë'sapi.  
 Cari chinii' ya'huërinquë  
 quëpaarahuë.  
 Noyá tapapinan ira quëshihuato  
 co i'paponahuë'.  
 Ca mini israiro'sa pa'pina  
 pochín ninahuë.  
 Inapitanta', paninanëhuë  
 pochín nipi,” tënin.  
 10 Naquëranchin Sinioro taan-  
 tarín:  
 “Nisha nisha nacionquë ya'huë-  
 ramasopitanta',  
 natanco Sinioro nontarin-  
 quëma':  
 Ina quëran marë so'tono'saquë  
 áquë ya'huëpirinahuë',  
 sha'huitonco':  
 ‘Sinioro nohuanton israiro'sa  
 yanquëëpi. Inapotopirinhuë',  
 ayontoantarahuaton noya  
 a'païantapon.  
 A'pairinsoari ohuicaro'sa noya  
 a'pairinso pochín  
 noya a'païantapon,' itonco'.  
 11 Siniorori Cacopo quëran pipipi-  
 sopita nicha'ërin.

- Chiníquën nanantërinso'  
nacioni hua'anëntopirinhüë',  
nicha'ërin.
- <sup>12</sup> Napoaton huëantarahuatona',  
Quirosarin motopia'huaro'saquë  
cantapona'.  
Siniorori catahuarinso' yonquia-  
tona capa cancantapi.  
Ina nohuanton trico, huino,  
toma', ohuicaros'sa',  
ohuacaros'sa', inapita ya'huëta-  
pona'.  
Pairapipisoanaquë sha'piso',  
noyá oporapitopinan pochin  
nisapi.  
Co huachi onporo tëranta  
sanpatërëso pochin nisapi-  
huë'.
- <sup>13</sup> Nano'sa capa cancantatona  
nansapona'.  
Hui'napi'sa', mashoros'sa', inapi-  
tanta inapopi.  
Cari chachin achinicancana-  
rahuë ni'ton, napoapona'.  
Co huachi na'nëtonaraihuë',  
capa cancantapona'.  
Na'con parisitopirinhüë',  
na'con na'con capa cancanta-  
pona'.
- <sup>14</sup> Corto hua'ano'santa', noya noya  
cosharo nininso capona'.  
Ya'ipi piyapinëhuëpita ya'sotai  
huarë'  
ma'sha noya nininso' quëtapo.  
Ca Sinioroco sha'huitaran-  
quëma',” tënin.
- <sup>15</sup> Naquëranchin Sinioro taantarin:  
“Namaquë chiníquën na'nërarin  
natanahuë.  
Co napion ancantaton naporin.  
Naquira hua'huinpita marë'  
na'nërarín.  
'Ama sëtëquësohuë', itopirina-  
huë',
- hua'huinpita chiminpi ni'ton, co  
natëtërinhuë'.  
<sup>16-17</sup> Napopirinhüë', cari chachin  
itapo:  
'Naquira. Ama aquëtë na'nëquë-  
sohuë'.  
Sëtëranso' co topinan nisarin-  
huë'.  
Amiparinpita áquë quëpapiri-  
nahuë',  
inimiconënapita ya'huëpi  
quëran huënantapona'.  
A'na tahuëri noya acoanta'huan-  
quënso', yonquiráquë'.  
Amiparinpitaso', ya'huëpiquë  
chachin huënantapona'.  
Ca Sinioroco sha'huitaranquën,'  
itërahuë.
- <sup>18</sup> Iprain huënton israiro'santa', co  
napion ancantatona na'nëta-  
rinaco:  
'Tëhuënychachin quiyaso', tanan  
toro pochin niconai.  
Napopiraihuë', quëma Sinioro  
anocantatë pochin nitë-  
rancoi.  
Catahuacoi quëmasáchin tahuë-  
rëtaanta'inquën.  
Quëmaso Sinioronëhuëinquën.  
Yosënëhuëinquën.
- <sup>19</sup> Quëma a'porainquënso marë'  
parisitatoi, nirótërai.  
“Tëhuënychachin oshahuancoi,”  
ta'toi, moto' sé'morai.  
“Ma'huantacha ninai paya,”  
ta'toi tapanai.  
Hui'napitohuatëra yatëhuërëso  
pochin nicatoi,  
tëhuërai ni'ton, parisitërai,'  
itarinaco.
- <sup>20</sup> Napohuachina' cari itarahuë:  
'Canpitaso piyapinëhuëpitan-  
quëma ni'ton, pa'ya pa'yatë-  
ranquëma'.

Co a'napitaso canpita pochin  
nosororahuë'.  
A'na tahuëriso mini, chiníquën  
pënënanquëma'.  
Inapotopiranquëmahuë', co  
naniantëranquëmahuë'.  
Ya'ipi cancanëhuë' quëran noso-  
romiatëranquëma'.  
Ca Sinioroco sha'huitaran-  
quëma'.

<sup>21</sup> Israiro'sanquëma papoma  
pochin ira pa'tëramaquë  
nohuitamaso marë' ma'sha  
tëranta acotoco'.  
Huënantahuatama', co sacaihuë'  
nohuitarama'.  
Ya'ipi ira pa'tëramaso' noya  
niraco'.  
¡Israiro'sanquëma ya'huëra-  
maquë chachin huënantaco'!

<sup>22</sup> Hui'nama nimintatohuachin,  
patë patërantapon.  
Canpitanta israiro'sanquëma  
inaporapiramahuë',  
¡copi toco huachi!  
Ca Sinioroco nasha nininso'  
isoro'paquë acoarahuë'.  
Naporahuëso' natanpatama',  
co natëtochináchinhuë' cancan-  
tarama', itërahuë," tënin.

### Israiro'sa noya noya ya'huëantacaiso'

<sup>23</sup> Sinioroso', ya'ipi nanitaparin. Inasá-  
chin israiro'sanpoa chinotërehua'. Ina  
hua'narahuëquë nontatonco: "Cota  
huënton israiro'sa na'con parisitapirina-  
huë', ca nohuanton noya ya'huëantapi.  
Ya'huëpiso no'paquë chachin huënan-  
tahuatona', inahuara ninanonënaquë  
ya'huëantapona'. Quirosarinquë huënan-  
tahuachina', noya yonquirapiantatona':  
'¡Quirosarin ninanoquë ya'huëpisopitaso',  
Siniorori noya yonquirapiton catahuain!

Inari huayonin inaquë chinotacaso pëi  
acocaiso marë', itapona'. <sup>24</sup> Ya'ipi Cota  
huënton israiro'sa inaquë ya'huëapona'.  
Ninanoro'saquë ya'huëpisopita, imin  
camayoro'sa', pë'tahua a'pairo'sa',  
inapita inaquë ya'huëapona'. <sup>25</sup> Tana-  
rëso pochin cancantopisopita a'catë  
pochin nitarahuë. Yamororëso pochin  
cancantopisopitanta', o'shitatë pochin  
nitato achinicancanarahuë," itërinco.

<sup>26</sup> Naporo chachin capayatato  
ni'tërahuë. Hua'narahuëso yonquiato,  
nóya cancantërahuë.

<sup>27</sup> Ina quëran Sinioro taantarín:  
"Israiro'sa ya'huëpikuë, Cota huënton  
israiro'sa ya'huëpikuë, inaquëpita ca  
nohuanton a'na tahuëri notohuaro'  
piyapi'sa', na'amiatapon. Pë'tahua-  
ro'santa napoapon. <sup>28</sup> Piyapinëhuëpita  
hua'tatë të'yatëreso pochin nita'huaso  
marë' nóya ni'nahuë. Ma'sha onpo-  
tato ata'huantëreso pochin nita'huaso  
marënta', nóya ni'nahuë. Napoaton  
yonquirahuëso chachin nanirin. Iporaso  
napoaponahuë', sha'tëreso pochin,  
pëireso pochin nitaanta'huaso marë'  
noya ni'sápo. Ca Sinioroco sha'huita-  
ranquëma'. <sup>29</sup> Iporaso' nonpachinara  
napopi: 'Pa'pina tëhuëpiso marë' hui'-  
ninpita parisitopi,' topi. Ina tahuëri  
nanihuachinso', co huachi ina pochin  
nonsapihuë'. <sup>30</sup> Co noyahuë' nipachina  
inahuara chachin oshanëna marë'  
chiminapona'," tënin.

### Nasha quëran anoyatarinso'

<sup>31</sup> Naquëranchin Sinioro taantarín:  
"A'na tahuëri Cota huënton israiro'sa',  
israiro'sa', inapitaro'co nasha quëran  
anoyatarahuë. <sup>32</sup> Naporoso', co huachi  
Iquipito quëran ocoiapo anoyatërahuëso  
pochin nisarínhuë'. Iracaso inapita-  
ro'co anoyatato hua'anëntopirahuë',  
inapitaso anoyatërahuëso' tapiipi.

<sup>33</sup>Naporo tahuëri'sa israiro'sarë'co anoyatohuato, iso pochin nisarahuë: A'chintërahuësopita yonquinëna quëran anitotarahuë. Ina nitotohuachina', no'tëquën natëtacaiso' catahuararahuë. Casáchin chinotarinaco. Inapitanta piyapinëhuëpita nisapi. <sup>34</sup>Co huachi insonta a'napita a'chintaponhuë'. Co iin nontaton: 'Sinioro nohuitëquë', co itaponhuë'. Ya'ipiya quëran nohuitarinaco. Hua'huishino'sa quëran mashoro'saquë huarë' nohuitarinaco ni'ton, co huachi nia'chintaponahuë'. Inapitaso' co noyahuë' nicatona oshahuanpirinahuë', oshanëna inquitato nanan anoyatarahuë. Ca Sinioroco sha'huitaranquëma',” ténin.

**Chiníquën nanantaton  
israiro'sa noya acoantarinsó'**

<sup>35</sup> Sinioroso', ya'ipi nanitaparín.  
Ina nohuanton pi'iso', tahuëri  
a'pinin.

Yoqui, tayora, inapitaso tashi  
a'pinin.

Ina nohuanton marënta co'sa-  
caitohuachina, tënëntërin.

Ina Sinioro chachin naporin:

<sup>36</sup> “Pi'i, yoqui, tayora, inapitaso ca  
nohuanton a'pinpi.

Onporo tëranta co a'pinpihuë  
naporini,  
naporo tahuëri huarë' canta',  
israiro'sa a'poca'huaso nani-  
chitohuë'.

Ca Sinioroco sha'huitaran-  
quëma'.

<sup>37</sup> Onporo tëranta pi'iro'të a'ni-  
caiso',  
isoro'panta paquëmarinquë  
huarë' nohuitacaiso',  
inapita nicacaiso' nanitopi  
naporini, naporo tahuëri  
canta',

ya'ipi napopiso marë' israiro'sa  
a'po'itohuë'.

Ca Sinioroco sha'huitaran-  
quëma',” ténin.

<sup>38-39</sup> Naquëranchin Sinioro taan-  
tarin: “Quirosarinso', ninanonëhuë.  
Ca nohuanton inaso', naquëranchin  
acoantapona'. Ananiro tori quëran  
'Co'in ya'coana' itopiquë huarë' aco-  
pona'. Ninano nanirinsoso' ina ya'coana  
quëran, Caripi motopia'hua itopiquë  
huarë' no'tëquën pa'sarin. Inaquë  
taconorahuaton Coa itopiquë huarë'  
naniarin. <sup>40</sup>Chimipiro'sa', huariano',  
inapita tël'yatopiso motopiana, ca  
marë' acoapona'. Ya'ipi imino'santa',  
Sitron i'shaquë huarë' inapotapona'. Ina  
quëran: 'Cahuarioro'sa ya'coana' itopiquë  
huarënta', inapoapona'. Inaso' ya'coana  
pi'i pipirinsó parti quëran ya'huërin.  
Inapotohuachina', co huachi onporo  
tëranta ata'huantaantaponahuë',” ténin.

**Paroco Yosë chinotacaso  
pëiquë quirica nontërinso'**

**36** <sup>1</sup>Cosiasë hui'nin Coaquin itopiso'  
Cota huënton copirno nisarin.  
Nani catapini pi'ipi copirno ya'coninso  
nisahuaso', Sinioro nontatonco: <sup>2</sup>“A'nara  
so'nanpi quirica maquë'. Naporahuaton  
israiro'sa', Cota huënton israiro'sa', ya'ipi  
a'napita naciono'sa', inapita ma'sona  
onpota'huaso' sha'huitëranquënsopita  
inaquë ninshitëquë'. Cosiasë copirno  
hua'anëntaso', caniaritërahuë nonta'-  
huanquënsó'. Ipora tahuëriquë huarë'  
anitotëranquënsopita ninshitëquë'.  
<sup>3</sup>Tapona Cota huënton israiro'sa huë-  
huëpiro yonquirapirahuëso nitotatona',  
co noyahuë' nipiso' yaa'poápirinahuë'.  
Inapopi naporini, co noyahuë' nicatona  
oshahuanpiso', inquichitohuë',” itërinco.  
<sup>4</sup>Napotohuachincora, Niriasë  
hui'nin Paroco itopiso' amatërahuë.

Huë'pachina, ya'ipi Sinioro anitotë-rincosopita ninshitacaso marë' camairahuë: "Nonahuëso chachin ya'ipi ninshitëquë," itërahuë. Napotohuatora, ya'ipi ninshitërin. <sup>5</sup>Ninshitërinso tiquihuachina, camaiantarahuë: "Caso co nanitërahuë Yosë chinotacaso pëiquë paca'huaso". <sup>6</sup>Napoaton ayono tahuëri nanihuachin, piyapi'sa niyontonapi. Naporo' quëma pa'sahuaton, ninshitëranso' natantonënaquë nontëquë'. Quirosarin ya'huëhuano'sa', Cota huënton ninanoro'sa quëran huë'pisopita, inapita Siniorori anitotërinso nataina'. <sup>7</sup>Siniorori inapita pa'pi no'huiton huëhuëpiro nitacaso' yonquirin. Tapona ina natanatona', co noyahuë' nipiso' yaa'poápirinahuë'. Inapoatona Sinioro nontopi naporini, inariso nicha'ëitonhuë'," itërahuë. <sup>8</sup>Napotohuatora, inaso sha'huitërahuëso chachin ninin. Yosë chinotacaso pëiquë pa'sahuaton quirica ninshitërinso' nontërin.

<sup>9</sup>Coaquin copirno ya'coninso', a'natërápo pi'ipi, iscon yoqui nisarin. Naporo tahuëri ayono nicacaiso marë' camaitopi ni'ton, Sinioro marë' niyontonpi. Ya'ipi Quirosarin ya'huëhuano'sa', Cota huënton ninanoro'saquë ya'huëpisopita, inapita Yosë chinotacaso pëiquë niyontonpi. <sup>10</sup>Paroconta', inaquë pa'nin. "Nasha ya'coana," itopiso' notënanquë "Inapa i'iratë'," itopiso ya'huërin. Inaquë pantarahuatón, Sahuin hui'nin Quimariasë itopiso' patoananën quëran, ya'ipiya natantaso' quirica ninshitërinso' nontërin.

#### Hua'ano'sa natantonënuquë Paroco nontaantarinso'

<sup>11</sup>Micaiasënta', hua'an ya'conin. Inaso', Quimariasë hui'nin, nisahuaton Sahuin shiin. Inanta', ya'ipi Paroco quirica nontërinso' natanin. <sup>12</sup>Natanahuaton,

copirno hua'anëntërinso pëiquë pa'nin. Quirica ninshitona'pi patoananënuquë, chiníquën nanantopisopita hua'ano'sa nani niyontonpi. Irisama ninshitona'pi, Simaiasë hui'nin Piraia, Acaporo hui'nin Irnatan, Sahuin hui'nin Quimariasë, Ananiasë hui'nin Sitiquiasë, inapita. Nisahuaton, a'napita hua'ano'santa nani niyontonpi. <sup>13</sup>Micaiasëri ya'coon-tarahuatón, Paroco quirica nontërinso ya'ipi sha'huitërin. <sup>14-15</sup>Ina natanahuatona', hua'ano'saso a'nara comision Ioti itopiso' a'papi. Ioti pa'pinso' Nitaniasë. Nitaniasë pa'pionta Sirimiasë. Sirimiasë pa'pionta Cosi, itopi. Yaa'pahuachinara sha'huitopi: "Paroco quirica quëcaton quiyanta natana'huaiso marë' nonchin," itopi. Huë'pachina:

—Huënsëaton nontëquë', itopi. Napohuachinara, Parocoso' nontërin. <sup>16</sup>Hua'ano'saso natanahuatona', pa'yanpi. Pa'yanënaquë itohuara capini nini'sapi quëran:

—Namaso', copirnonta nitotacaso ya'huërin, topi. <sup>17</sup>Ina quëran Paroco natanpi:

—¿Onpo ninshitëranta ya'ipi iso quirica? itopi.

<sup>18</sup>—Irimiasë, caniaritërin quëran tiquiaquë huarë' sha'huitërarinco ninshitërahuë, itërin inarinta'.

<sup>19</sup>Napohuachina hua'ano'sari:

—Ipora quëmaso' Irimiasërë'quën chachin intópanta pa'sahuatoma', na'picamaso ya'huërin, itopi.

#### Coaquin copirno quirica a'përinso'

<sup>20</sup>Hua'ano'saso', Irisama ninshitona'pi patoananënuquë chachin ina quirica patopi. Ina quëran copirno pëinënuquë pa'sahuatona', ya'ipi sha'huitonpi.

<sup>21</sup>Copirnosos' natanahuaton, Ioti chachin camaiantarin ninshitona'pi pëinënuquë

quirica macontacaso'. Macontarahuaton copirno, hua'ano'sa', inapita natantonëñquë nontërin. <sup>22</sup>Pascoa yoqui quëran nani iscon yoqui na'huërin ni'ton, naporoso sëhuën tahuëri'sa nisarin. Napoaton copirnosó', napëntërinso pëiquë pana pochin nininquë napëntarin. <sup>23</sup>Ioti carahuë nipon, catapini panshinhuë nipon nontohuachina, copirnorí cosoroa'huaquë yashararin. Inapotahuaton pëñquë a'përin. Inapotochináchin ya'ipi so'nanpi quirica tiquiaquë huarë' nitërin. <sup>24</sup>Copirno, catahuarinsopita hua'ano'sa', inapitaso natanaponaraihuë' co manta Sinioro të'huatopihuë'. Co oshanëna marë' tëranta sëtópihuë'. <sup>25</sup>Irinatan, Tiriasë, Quimariasë, inapitaso ama so'nanpi quirica a'pëcaso marëhuë' nontopirinahuë', co copirnorí natërinhuë'. <sup>26</sup>Naporahuaton, Parocoro'co chachin macainacoiso marë' camaitërin. Quëmopinën Quiramiiro itopiso' ina marë' camairin. Asirisi hui'nin Siriasë, Apitiiri hui'nin Sirimiasë, inapitanta ina chachin camairin. Napotohuachina, inapitaso yonisápirinacoihuë', co quënaninacoihuë'. Sinioro po'orincoi ni'ton, co quënaninacoihuë'.

#### A'na ya'huëre aninshitaantarincoso'

<sup>27</sup>Quirica copirnorí ahuiquitërinso piquëran, Sinioroso' nontatonco: <sup>28</sup>“Ya'nan aninshitéranquënso quirica Coaquin copirnorí ahuiquitërin. Inapotërin ni'quëhuarë', a'na so'nanpi quirica maantarahuaton, ya'nan aninshitéranquënso pochachin aninshitaantaquë'. <sup>29-30</sup>Aninshitaantarahuaton, inaquë copirnonta sha'huitapon: ‘Sinioro naporin: “Ca nohuanton Irimiasë aninshitérin. Papironia copirno huëcaton, iso no'pa' ata'huantapon. Inapotohuachina,

piyapi'sa', ma'sharo'sa inapita co acoaponhuë',” tënin aninshitérinquë. Ina marë' quëmariso' Irimiasë no'huiran. Naporahuaton so'nanpi quirica aninshitérinsonta', ahuiquitëran. Naporanso marë' ca Sinioroco sha'huitaranquën: Quëmaso' Tapi shinquën ni'ton, israiro'sa hua'anëntëran. Napoaponahuë', ca nohuanton quëma hui'nanso', co huachi israiro'sa hua'anëntarinhuë'. Chimipatan co pa'pitaponënhuë' ni'ton, nonën tahuëriso pi'iri acoápon. Tashinta', sëhuëni quëtápon. <sup>31</sup>Quëmá quëran pipipisopita, catahuarinëñquënsopita hua'ano'sa', ya'ipinquëma oshanëma marë' ana'intaponquëma'. Ca nohuanton Quirosarinquë ya'huëpisopita, Cota huëntonquë ya'huëpisopita, inapita huëhuëpiro sha'huitërahuëso', nanipon. Nani sha'huitopiranquëmahuë', co natëramacohuë' ni'ton, napoarin, 'tënin, itëquë',” itërinco.

<sup>32</sup>Napotohuachincora, a'na so'nanpi quirica maantarahuato, Paroco ninshitona'pi quëtërahuë. Ina quëran i'hua Coaquin copirnorí ahuiquitërinquë ya'huërinso pochachin aninshitaantarahuë. I'hua aninshitérahuë quëran, na'con na'con pochin aninshitocoantarahuë.

#### Sitiquiasë copirno natanincoso'

**37** <sup>1</sup>Papironia copirnosó', Cota huënton copirno nicacaso marë' Sitiquiasë acorin. Cosiasë hui'nin Coaquin itopiso' ya'huërenamën ina acorin. <sup>2</sup>Inaso napoaponahuë', catahuarinsopita hua'ano'sarë chachin Sinioro anitotërinco sha'huitërahuëso', co natërinhuë'. Co ya'huëhuano'sari tëranta natëpihuë'.

<sup>3</sup>A'na tahuëri copirnosó', nontiincoso marë' isopita hua'ano'sa a'pairin: Sirimiasë hui'nin Ocaro itopiso' nisahuaton,



Maasiasë hui'nin Sooniasë corto hua'an. Inapitaso' cantoonahuatonaco: “Sinioroso', Yosënënpoa'. Canpoa marë' ina nontëquë', tënin copirno,” itërinaco. <sup>4</sup>Naporo tahuëri'sa caso noya pa'sárahüë. Co tashinan pëiquë pomoyátërarinacohüë'. <sup>5</sup>Papironia sontaro'santa Quirosarin ninano ahuëcaiso marë' tancapitápirinahuë', Iquipito copirno sontaronënpita huë'sapiso natantopi. Napohuachina Papironia sontaro'saso', Quirosarin a'porahuatona', ya'huëpiquë panantapi.

<sup>6-7</sup>Naporo' Sinioroso', comisiono'sa sha'huita'huaso marë' camairinco: “Cota huënton copirno nontamacoso marë' a'parinquëma'. Canpitarinta iso nanan sha'huitoco': 'Iquipito copirno sontaronënpita catahuainëmaso marë' huë'sapisoso', nani ya'huëpiquë ayamantapi. <sup>8-9</sup>Papironiaro'sa patopirinënquëmahüë', naquëranchin ahuëinëmaso marë' huëantapona'. Ahuërahuatënëma', minsëarinëma'. Inapoatona ya'ipi Quirosarin ninano i'chinpitapona'. Canpitaso': “Papironia sontaro'sa nani patërinënpoa',” tonama'. Napoatoma noya cancantërama'. Co napoapihuë'. <sup>10</sup>Canpitari inapita ahuërahuatoma', acania'pitëramasoráchin quëparitopirinahuë tëranta', ya'huëapi quëran noyamiachin huaniantarahuatona', ninanonëma i'chinpichitonahuë, tënin Sinioro,' itoco',” itërinco.

### Tashinan pëiquë po'morinacoso'

<sup>11-12</sup>Papironia sontaro'saso', Quirosarin ninano patahuatona pa'sapi. Iquipito sontaro'sa huë'sapiso natantatona', napoapi. Naporo' quëmopinëhuëpitarë'coi no'pa' nipatomata'huaiso marë' pa'sarahüë. Mincamin huënton no'panënaquë pa'sarahüë. <sup>13</sup>Mincamin

ya'coana itopiquë nipatora, Iriasë a'paitoro'sa hua'an maninco. Inaso' Sirimiasë hui'nin. Sirimiasënta pa'pin Ananiasë itopi. Iriasëso masahuatonco: —¡Quëmaso' papironiaro'sa catahuacaso marë' pa'saran! itërinco.

<sup>14</sup>—Co naporinhuë'. Co ina marë' pa'nahuë', itërahuë. Napopirahuë', inaso co natëtoncohuë', copirno catahuarinsopita hua'ano'saquë, yo'coninco. <sup>15-16</sup>Inapita hua'ano'santa', no'huitonaco ahuihuitërinaco. Naporahuatona', Conatan ninshitona'pi pëinën tashinan pëi atarantopi ni'ton, inaquë po'morinaco. Acoporo' patoanaquë po'mohuachinacora, inaquë hua'qui ya'huërahuë.

<sup>17-18</sup>A'na tahuëri Sitiquiasë copirno hua'anëntërinso pëiquë amatërinco. Quëpahuachinacora po'oana quëran nataninco:

—¿Ma'sona tëranta Sinioro anitotërinquën to? itërinco.

—Anitotërinco mini. Quëmaso' chiníquën nanantopiranhuë', Papironia copirno minsërahuatënquën masarinquën, itërahuë.

Napotahuato, carinta copirno natahuë:

—Ma'ta onpotatënquën tëhuëtëranquën. Catahuarínëquënsopita hua'ano'sahuë nipon, ya'huëhuano'sahuë nipon ¿Maquëta tëhuëtëranquëma ni'ton, tashinan pëiquë po'moramaco? <sup>19</sup>A'naquën pënëntona'piro'saso': “Noya ya'huëapoma'. Co Papironia copirno ya'huëaramaso no'paquë, ahuëtaponhuë',” itërinënquëma'. Inata nipachin ina pochin nininhuë'. <sup>20</sup>Quëmaso' chiníquën nanantëran ni'ton, nontëranquënso' natanco. Ina natanaton, nosoroco. Ama huachi Conatan ninshitona'pi pëinënquë po'moanta'incosohüë'. Inapotaantahuachinacoso', chiminapo huachi, itërahuë.

<sup>21</sup>Napotohuatora copirnosol, a'paito sontarol'sa pëi i'iratënënguë acoincosol camaitërin. Naporahuaton ina camaitërin quëran nani tahuëri pan quëshirinaco. "Pan camayorol'sa cachi" itopiquë nipisol quëshirinaco. Ninanoquë capamia capacaiso nicaquë huarë' a'paito sontarol'sa pëi i'iratënënguë ya'huëárahüë.

**Poso yaninantëquë  
të'yatërinacosol**

**38** <sup>1-3</sup>A'na tahuëri ya'huëhuano'sa pënënahüë: "Sinioro anitotiinpoaso marë' naporin: 'Iso ninanoquë-ranchin nisápatama', quira quëran, tana quëran, canio quëranhuë nipon chiminapoma'. Napoaponahuë', papironiarol'sa paaparahuatoma inapitarë'quëma anoyatohuatama', ma'shanëma ayatapomarahüë', co chiminapomahuë'. Quirosarin ninanosol, Papironia copirno sontaronënpitari canapon. Co insoari tëranta nanitarinhuë' ya'copicasol,' tënin Sinioro," itërahüë. Naporahuësol, isopita hua'anol'santa natanarinaco: Matan hui'nin Sihuatiasë itopisol, Pasoro hui'nin Quitariasë itopisol, Sirimiasë hui'nin Ocaro itopisol, Marquiasë hui'nin Pasoro itopisol, inapita.

<sup>4</sup>Inapita hua'anol'sasol, copirno nontapona pa'pi:

—Irimiasësol, ya'ipi sontarol'sa iso ninanoquë ya'huëpiso pënënaton a'payanin. Ya'huëhuano'santa inapotërin. Inaso co yacatahuarinpoahuë'. Canainënpoaso nohuantaton napoarin ni'ton, chiminacaso ya'huërin, itoonpi.

<sup>5</sup>Napotohuachinara:

—Yainapotohuatama', inapotoco nipachin. Co caso nanitërahüë canpita chinita'huanquëmasol, itërin copirnorol.

<sup>6</sup>Inapitasol natanahuatona', maconinaco. Noninol'saquë a'sonahuatonaco,

i'sha tapainanquë a'pamarinaco. Tanónën nisharo ni'ton, inaquë ya'corotomarahüë. Ina i'sha tapainansol, copirno hui'nin Marquiasë itopisoari hua'anëntërin. A'paito sontarol'sa i'iratënënguë ya'huërin.

<sup>7-8</sup>Copirnosol a'nara piyapinën natërinso' ya'huëtërin. Inasol, Itiopia quëmapi Ipiti-mirico, itopi. Inantol, i'sha tapainanquë po'morinacoso natantërin. Napohuachina copirno pëi quëran pipirahuaton ina nontapon pa'nin: Naporol copirnosol, Mincamin ya'coana itopiquë huënsëaton nonsarin. Quënanconahuaton:

<sup>9</sup>—Quëmasol sinioro copirno chiniquënanantëran. Irimiasë i'sha tapainanquë po'motona pa'pi co noyahuë' nipi. Inaquëso tanari tëpapon. Ninanoquënta capa pan nirarin huachi, itërin.

<sup>10</sup>Copirnosol natanahuaton, ina camairin: "Cara shonca quëmapi'sa quëparahuaton Irimiasë ocoico'. Co'huara chimiyántërasohüë', inapotoco'," itërin.

<sup>11</sup>Napotohuachina, copirno a'mocaiso taparinquë pa'nin. Inaquë na'a mocaro në'mëtë manin. Cara shonca quëmapi'santa quëparahuaton, në'mëtërol'sa noninol'saquë a'sonpinan a'patomarincol. Naporahuaton:

<sup>12</sup>—Iso në'mëtërol'saquë irapatëanataquëchin tanónën acoquë'. Huëntëntohuachinën ama noninol'sa i'shoinquënso marëhuë' inapoquë', itërinco.

Napotohuachincola, ina inachachin ninahuë. <sup>13</sup>Inapohuatora quëmapi'sasol, noninol'sa huëntëntahuatona', ocoirinaco. Ina piquëran a'paito sontarol'sa pëi i'iratënënguë, ya'huëantarahuë.

**Sitiquiasë amataantarincosol**

<sup>14</sup>Sitiquiasë copirnosol, macontainacoso marë' piyapinënpita camaiantarin: "Yosë chinotacaso pëi ya'coanaquë,

ninarahuë. Cato ya'coana na'huëtèrè quëran, ina quëran niantarinquë ninarahuë,” itiinacoso camairin. Nani inaquë nipatora:

—A'nara natainquën. Ama pi'piyan tëranta canitocosohuë', itërinco.

<sup>15</sup>—Natanancoso' sha'huitohuatënquën, atëpataponco. Ma'sona nicacaso' sha'huitohuatënquënta', co natëarancohuë', itërahuë.

<sup>16</sup>Napotopirahuë, po'oana quëran itaponco:

—Sinioro ananpirinpoa'. Ina ni'sárinco co atëpataranquënhuë'. A'naquën tëhuëchachin yatëparinquën. Co inapitaquë tëranta yo'saranquënhuë', itërinco.

<sup>17</sup>Naporo' carinta':

—Sinioroso', ya'ipi nanitaparín. Inaso', israiro'sanpoa chinotërèhua'. Inachachin anitotërinco sha'huitaranquën: “Papironia copirno hua'ano'sa acorinso', ninano aipiran ya'huërapí. Inapita paapaquë'. Quëmopinënpitarë'quën chachin paapaton anoyatohuatan, co tëpaponëmahuë'. Iso ninanonta co a'pëtaponahuë'. <sup>18</sup>Co inapohuatanhuë', papironiaro'sa minsërahuatëncuëma', iso ninanonëma matarinquëma'. Inapatona i'chinpitapona'. Inapohuachina quëmanta', co cha'ëponhuë',” itërahuë.

<sup>19</sup>Napotohuatora:

—A'naquën cotioro'sa', nani inapita paapatona anoyatopi. Inapita të'huatërahuë. Mapachinacoso', aparisitaponaco tënahuë, itërinco.

<sup>20</sup>—Quëmaso' sinioro chiníquën nanantëran. Co masarinënhuë'. Onpionta Sinioro anitotërinquënso', natëquë'. Inapohuatan noya cha'ësan. <sup>21</sup>Co papironiaro'sa natëcaso' nohuantohuatansohuë', nani Sinioro anitotërinco:

<sup>22</sup>Hua'anëntëranso pëiquë ya'ipi sana-pi'sa ya'huërinso ocoirahuatona', Papi-ronia sontaro hua'ano'sa quëtapona'. Inapotohuachina inahua chachinta itaponën:

“Payaransopita nonpintërinën ni'ton, minsërinën.

‘Inapita catahuararinaco,’ ta'ton quëmariso ninapiranhuë'.

Co catahuarinëncuënhuë ni'ton, pa'itohuatëra yachimiitarëso pochin nitërinën,” tosapi.

<sup>23</sup>Ya'ipi sa'anpita, hui'nanpita, inapita papironiaro'saquë yocapona'. Quëmanta co cha'ësanahuë' ni'ton, Papironia copirnoquë yocaponën. Naporahuatona Quirosarin ninanonta', i'chinpitapona', itërahuë.

<sup>24</sup>Napotohuatora:

—Chimirin të'huatohuatanso', ama inso tëranta napotërancoso' sha'huitëquësohuë'. <sup>25</sup>Catahuarinacosopita hua'ano'sa ninontëresó nitotohuachina', ma'sona sha'huitërancoso', ma'sona natananquënso', inapita yanitotapona': “Ya'ipi sha'huitohuatancoi, co tëpapoinquënhuë',” itaponën. <sup>26</sup>Napotohuachinën: “Ama naquëranchin Conatan pëinëncuë a'paantacosohuë' chiminpato, itërahuë topinan pora,” itëquë', itërinco.

<sup>27</sup>Napotërinso chachin hua'ano'saso', nicaponaco huë'pi. Quënanquirahuatona' na'con nataninaco. Napopirinahuë', copirno sha'huitërinco chachin sha'huitërahuë. Co inso tëranta copirno-rë'co ninontëraisó nataninhuë' ni'ton, tananpitërinaco huachi. <sup>28</sup>Inapoato, a'paito sontaro'sa pëi i'iratëncuë ya'huëárahue'. Quirosarin ya'contatona minsëai huarë' inaquë ya'huërahuë.